

# *LEHUTO LA BOŠUPA*



Ke a go leboga, ngwanešu. Ge re sa eme, a re rapeleng.

<sup>2</sup> Ramaatlakamoka Modimo, Mothomi wa Bophelo, le Mofi wa tše botse tšohle, dimpho tša semoya, ka nnete re thabetše ye ya go kgahliša kudukudu, ya go ikgetha, nako ya kopanelo ka Bogoneng bja Gago; e swaya ntlhakgolo ka maphelong a rena, Morena, nako ye re ka se tsogego ra e lebala, ga go kgathale gore re swanetše go dula botelele gakaakang. Gomme re a rapela, Modimo, gore ka bošegong bjo bja go tswalela... Re hlokomela Lengwalo, ka letšatši la go tswalela la monyanya, Jesu o eme magareng ga bona gomme a goelela ntle, “Ge motho e ka ba mang a nyorilwe, a nke a tle go Nna!” Gomme ke a rapela, Tate wa Magodimong, gore seo se tla boeletša gape bošegong bjo, gore re kgone go kwa Segalontšu sa Morena wa rena se re bitša, le go re biletša ka tirelong bakeng sa Gagwe, go sepela kgauswana. Re ikwela gore re šetše re kwele Segalontšu sa Gagwe, ka go bulegeng ga Mahuto a, se bolela gore ke letšatši la mafelelo, gomme nako e batametše. Efa ditšhegofatšo tše re di kgopelago, Tate, ka go la Jesu Kriste Leina, le bakeng sa letago la Gagwe. Amene.

Dulang.

<sup>3</sup> Ke rata go oketše se, gore, go ditirelo tšohle nkilego ka ba le tšona bophelong bja ka, ke a dumela beke ye e bile nako ya letago kudukudu go bophelo bjohle bja ka ka ditirelong. Ga go kgathale se ke... Ke bone mehlolo ye megolo e dirwa, ka nnete, pele, le ditirelo tša phodišo, eupša se se ka godimo ga tše. E bile ye nngwe ya dinako tše kgolo, dintlhakgolo tša bophelo bja ka, ke go ba mo. Gomme go boneng tabarenekele ye nnyane e tše godimo tebelelo ye ya go fapania; e sego feela seo, eupša bokagare bo tše godimo tebelelego ya go fapania!

<sup>4</sup> Gomme, bjale, ke be ke botšiša Billy; o be a le botelele kudu, e ka ba go tla le go ntše. O rile go bile le sehlopha se sengwe se kolobeditšwe. Seo, se kitima godimo ga lekgolo, beke ye, la batho ba kolobeditšwago ka Leineng la Morena wa rena Jesu Kriste. Kafao, re—re a leboga. Gomme Modimo a le šegofatše!

<sup>5</sup> Gomme, bjale, ge o se ne legae la kereke, re a go mema fa, go tla le go kopanelo le rena. E nong go elelwa gore kereke e bulegile. Ga se rena kerekeleina, gomme ke a holofela le go tshepa gore e ka se tsoge ya ba kerekeleina. Feel a kopanelo moo banne le basadi, le bašemane le basetsana, ba kopanago go dikologa tafola ya Modimo, le go kopanelo go dikologa Lentšu, gomme re na le dilo tšohle tša go swana.

<sup>6</sup> Bjale, gomme re na le modiša wa go makatša, monna wa kgonthe wa Modimo, gomme ke leboga seo kudu. Ge le ka elelwa,

pono, ngwaga wa go feta, gore Dijo di bolokilwe ka lefelong. Gomme yeo ke nnete tlwa. Gomme re . . .

<sup>7</sup> Re na le lefelo bjale, go lekanelo, bakeng sa dittelelase tša sekolo sa Lamorena, bakeng sa mabaka ohle, gomme re no leboga kudu sebakabotse se. Ba bangwe ba boletše, nako ye nngwe, ge ba ka be ba no ba le dittelelase tša sekolo sa Lamorena moo ba ka go romela bana ba bona. Bjale, lena, ba na le tšona bjale. Kafao, bjale, kafao e nong go tla thwi pele gomme le be le rena ge o se ne legae la kereke.

<sup>8</sup> Nnete, ge o na le kereke ye botse moo o yago, gomme e rera Ebangedi, go ya pele, gobaneng, seo—seo e no ba sehlopha se sengwe sa rena, le a bona, felotsoko gape. Eupša ge o se ne legae, gomme wena o . . .

<sup>9</sup> Ke a kwešiša gore ba mmalwa ba bile, ba sepeletše ka gare go tšwa dikarolong tše dingwe tša naga, go dira ye kereke legae ya bona. Gomme ka kgontha re le amogela fa go Lentšu la Morena. Gomme ke a elelwa, ke a thanka, ge ke tlogile, ke le boditše gore—gore ditirelo, bokgole bjo ke bego ke amega, di tla ba mo ka tabarenekeleng.

<sup>10</sup> Ga ke tsebe le bjale se Morena a ntshwaretšeego ka moso. Ke tshepela seo go seatla sa Gagwe, e segó tumelokhwelo goba eng kapa eng. Ke no leta, letšatši ka letšatši, go Yena go ntlhahlela lefelong moo nka bago wa tirelo ye kaone bakeng sa Gagwe. Gomme ge A feditše ka nna, gona ke a holofela gore O tla nkamogela Gae, ka khutšo.

<sup>11</sup> Gomme, bjale, ke leboga kudu tirišano ya batho ba tabarenekele. Bjalo ka ge Billy a be a mpotša beke ye, gore, ke a nagana, legae le lengwe le le lengwe le emetšwego mo go dikologa tabarenekele ye le na le yo mongwe le bona. Ba butše, magae a lena le mafelo, gomme ba tšere batho bao ba ka se bego le lefelo lefe go ya go lona. Bjale, yeo ka kgontha ke ditiro tša Bokriste. Gomme magae a mangwe a nno sunyetše yo mongwe le yo mongwe ka go sekhutlwana se sengwe le se sengwe se sennyane ba kgonago, go hweletše batho lefelo la go dula.

<sup>12</sup> Ka gobane, ye e bile nako ye thata kudu, ka lebaka la ye, mohuta tsoko wa taba woo o bego o kgatlampana, ka ga lefase la dipapadi, mohuta tsoko wa kgwelentlatlana goba se sengwe, le—le dipeelo di dirilwe. Hlakanya le sehlopha se segolo go tšwa . . .

<sup>13</sup> Ke a nagana, go emetšwe fa ka kerekeng ye nnyane ye, e ka ba, tikologong ya dinaga tše masomepedi seswai goba masometharo di emetšwe thwi fa ka kerekeng, ntle le ditšhaba tše pedi tše šele, kafao, gomme tsošeletše ye nnyane ye. Kafao, yeo e tsea sekgoba se segolo nthatana, ka boyona. Ke tseba ka . . .

<sup>14</sup> Ke be ke botšiša lehono, le batho ba bangwe. Ke rile, “Ke kwešišitše go be go se batho ba bantši kudu ba Jeffersonville tikologong, ka kopanong.”

<sup>15</sup> Yo mongwe o boletše, a re, “Ga re kgone go tsena ka gare.” Gabotse, seo, seo e be e le sona. Leo e be e le lebaka. Ba bangwe ba maphodisa, le go ya pele, ba nyakile go tla kopanong, eupša ba rile, ba be ba bolela tikologong, ba rile, eupša ba tlide godimo gomme ga se ba kgona go tsena ka gare, gore e be e šetše e tladišwe pele ebile le ga nako ye ba bego ba ka kgona go tsena ka gare. Kafao ba bile le nako ya bona, mohlomongwe, moragwana, gomme ga se ba tla. Kafao bjale batho ba tšwa mafelong a mangwe, kafao re thabile kudu.

<sup>16</sup> Bjale, ga ke tsebe. Selo se se latelago se tla latela se, e tla ba Diphalafala tše di šupago, ka go molaetša wo mongwe. Eupša, ka go Mahuto, ka kgonagalo se sengwe le se sengwe se akareditšwe. Mabaka a kereke a tla fase, gomme re a bea pele, e bego e le se segolo—seo se bego se le bohlokwa kudu, eupša... sa nako yeo. Bjale, go bulwa ga Mahuto go laetša mo Kereke e yago, le ka fao E felelago. Gomme bjale, ke a nagana, Tate wa Magodimong ka kgonthe o bile mogau go rena, go re dira re bone se re nago le sona.

<sup>17</sup> Gomme ke bolela se, ke lebeletše godimo dinoutse tša kgale tše ke rerilego ka tšona, mengwaga ye mentši ya go feta, Ke be ke sa tšwa go tla ka gare le go bolela se ke bego ke gopola se be se lokile, le go ya pele. E be e le kgole go tloga mothalong. Gomme bjale, ohle a mane a ona Mahuto, ke bile le ona ka go e ka ba theroy a metsotso ye masomepedi, ohle a ona. Banamedi ba bane ba pere, ba Kutollo, ke ba lahletše bohole mmogo gomme ka re, “Pere e tee e ile ka gare ye tšhwew,” Ke rile, “mohlomongwe leo ke le—le—le lebaka la pele. Gomme pere ya go latela e ile ka tlala,” gomme morago go ya pele ka mokgwa woo. Eupša, mna, ge Lentšu ka kgonthe le butšwe, Le be le le bokgole bja dimaele tše lekgolo go tloga go lona.

<sup>18</sup> Kafao, go re swanetše go šetša le go leta. Gomme mohlomongwe e ile ya swanela go ba nako ye go e dira. Go ka no ba dilo tše dintši tše di boletšwego, tše di ka no go se kwane le batho ba bangwe. Eupša ke a dumela, ge nako ye kgolo ya go tatologela e etla, gomme re kopana le Morena wa rena, le tla hwetša gore E be e le nnete. Ee, mohlomphegi. Ke—Ke—Ke yona ka kgonthe.

<sup>19</sup> Bjale, batho ba ba tšwago ka ntle ga toropo, go tšwa tikologong mafelong a go fapan, ba tla ka gare go tšwa dinageng tša go fapan le ditšhaba, ke leboga tlhokofalo ya lena bjang go sepela bokgole bjhole, le go tše maikhutšo a lena. Gomme ba bangwe ba bona ebile ntle le mafelo go dula! Ke—ke a tseba, gobane ke kgonne go thusa ba bangwe ba bona go hwetša lefelo go dula. Ebile ntle le tšelete ya go ja ka yona, goba e ka ba eng gape, gomme kafao... gomme ebile le go tla, ka mokgwa wo mongwe, ba letile se sengwe go direga, go e hlokomela. Gomme ka tumelo ye kgolo bjalo ka go yeo, gore ga go kgathale ge eba ba swanetše go ya ntle le dijo, goba ebile lefelo go dula, ba nyaka go

tla go kwa tšeо, tšona dilo di direga, go le bjalo. Seo ka kgonthе ke bogale, le a tseba. Gomme yo mongwe le yo mongwe o sa tšo ba diphesente tše lekgolo!

<sup>20</sup> Ke kopane le molamo wa ka morago kua, e bego e le—le . . . o be a bea setena sa kerekе, le go ya pele. Gomme ke be ke mmotšа ka ga ka fao ke lebogilego mošomo wa gagwe. Ga se nna mo—mo moagi wa setena, goba go se tsebe selo ka yona. Eupša ke tseba se sekhetlo sa sekwere se lego, le ge eba se breakantšwe mohuta wa gabotse.

<sup>21</sup> Gomme o rile, “Ke tla go botša.” O rile, “Ga se gwa ke gwa ba nako ye bjalo, le gannyane, yeo o tsoge wa bona kwano ye bjalo magareng ga banna, ge bohle ba šoma mmogo.”

<sup>22</sup> Ngwanešu Wood, Ngwanešu Roberson, le yo mongwe le yo mongwe ba no bea ka lefelong la bona, se sengwe le se sengwe. Gomme ngwanešu yo—yo a beilego diletšo, di . . . ke ra ditlabelo tša go bolela le setšhaba le se sengwe le se sengwe, ka kerekeng. Ba rile, “Se sengwe le se sengwe se nno šoma gabotse.” Ge ba hloka se sengwe, go tla ba le monna a eme fale go se dira. Kafao ke . . . Modimo o ka go lenaneo ka moka. Re leboga se kudu.

<sup>23</sup> Bafi ba bantši ba bagolo ka kerekeng, go thuša go e dira, bjalo ka ge Ngwanešu Dauch le Kgaetšedi Dauch ba dutše mo, le ba bangwe ba bantši ba ba filego gagolo go taba ye. Gomme ke a nagana, thwi ka nako yeo, ga ba hloke nthatana gannyane gomme yohle e lefetšwe. Kafao re leboga seo kudu.

<sup>24</sup> Elelwang, ke kerekе ya gago, ka gore o mohlanka wa Kriste. Gomme seo ke se e agilwego fa bakeng sa sona, mojako wa go bulega go dira bahlanka, le bakeng sa bahlanka ba ba šetšego ba le bahlanka ba Kriste, go tla ka gare le go ipshina bonabeng go dikologa kopanelo ya Jesu Kriste. Gomme re nyaka le tsebe gore yo mongwe le yo mongwe o amogetšwe.

<sup>25</sup> Gomme bjale ge le nkwa dinako tše dingwe, ka tlase ga nako ya tlotšo, mohuta wa go gogola garetene fase godimo ga mokgatlo, Ga—ga ke re seo kgahlanong le modiša wa lena, goba kgahlanong le ngwanešu e ka ba mang, kgaetšedi, ka kerekeng. Ka gore, morago ga tšohle, Modimo o na le batho ka go mokgatlo wo mongwe le wo mongwe o lego gona. Eupša ga A amogele mokgatlo; O amogela motho ka motho ka go mokgatlo. Gomme . . . Ga go tše mokgatlo.

<sup>26</sup> Kagona, ge batho ba tlengwa kudu go dikologa mokgatlo, gona ga ba kgone go bona selo gape eupša feela se kerekе yela e se bolelago, le a bona. Gomme seo se dira go tloša kopanelo le ba bangwe, gomme ke tshepedišo yeo Modimo a sa thabego ka yona, gomme ke taba ya selefase ga se nke ya hlomamišwa ke Modimo.

<sup>27</sup> Kafao, bjale, ga ke re motho ka motho. Katoliki, Sejuda, e ka ba eng e ka bago, goba—goba Methodist, Baptist, Presbyterian, mokgatlo e ka ba ofe, e sego mekgatlo, le—le tše e sego

dikerekemaina, le tšohle, Modimo o na le bana ba Gagwe ba dutše ntle ka kua. Le a bona? Gomme makga a mantši ke a dumela ba ntle kua bakeng sa morero, go fa Seetša, go gogela ntle bakgethelwapele bale go tšwa gohle go dikologa moghole. Gomme—gomme ka letšatši le legolo lela, re tla bona nako yeo, Kereke ya Morena Jesu Kriste e tla biletšwa go—go nako ye kgolo ya kopano sebakabakeng, gomme bohle re tla ya godimo go kopana le Yena. Gomme ke—ke lebeletše iri yeo.

Bjale, go ne bontši kudu bo ka bolelwago!

<sup>28</sup> Gomme bošegong bjo, mo go mafelelo, bošego bja go tswalela, bjalo ka mehleng, yo mongwe le yo mongwe o... Ka go tirelo ya phodišo, ke hwetša, ka tlase ga ditetelo bakeng sa dilo tše kgolo go dirwa ka go tirelo ya phodišo, di ba direlago ngangego, go tšhoga. Gomme ka gona ke hwetša, selo sa go swana bošegong bjo, gore yo mongwe le yo mongwe o ka tlase ga tetelo ya go bona ka fao... Gomme bošego bjo bongwe le bjo bongwe, go bile ka tsela yeo, bakeng sa go bulwa ga Mahuto ao.

<sup>29</sup> Bjale ke nyaka go dira se go hlaka ka nnete. Nako ye nngwe le ye nngwe, nako ye nngwe le ye nngwe ge Mahuto a a tilie lefelong; se sengwe le se sengwe seo nkilego ka dumela go Ona, gomme ke badile ka batho ba bangwe, se bile kgahlanong le se se tlilego go nna ka kamoreng.

<sup>30</sup> Gomme monagano wa ka, mo nakong ye... Lebaka ke bilego le tirelo yela ya phodišo mosong wo, ka gobane monagano wa ka wa motho o ba kgole kudu go tloga go tsela ya ka mong ya go nagana. Ke lekile go dula ka—ka kamoreng le meriti e gogetšwe tlase, le seetša godimo. Le ke letšatši la seswai. Gomme ebile ga ka tsena ka koloing ya ka, go—go ya e ka ba kae.

<sup>31</sup> Ke ile ka swanela go ya le banešu tsoko, tlase mabopong, go saena dinoutse tše dingwe le dilo, mo tšeleteng le dilo tše di adingwago bakeng sa kereke ye. Eupša ke—eupša ke tla thwi ka go otloga morago, le go ya thwi go ithuta.

<sup>32</sup> Gomme selo sa go tlabo, ga se nke gwa ba le motho o tee a boletsego e ka ba eng. Goba, ka mehla, ba a kokota, le go goga, le go dikologa. Fao ga se gwa ke gwa ba selo se tee. E bile ponagalo kudu.

<sup>33</sup> Moo ke bego ke ej a gona, ga Ngwanešu Wood. Ka mehla lefelo lela le pitlagane go dikologa ka dikoloi. Gomme ba bile le batho ba seswai goba lesome ba go fapano ba be ba eya go tla go dula le bona lebakeng la nako ye, gomme ga go le o tee wa bona a tlogo.

<sup>34</sup> Gomme ka gona, mosong wo, nka se tsoge ka lebala mosong wo, mogau wa Mophološi wa rena go mohlanka yo a lapilego wa Gagwe, mohlanka yo a lapilego. Ge, ke arabile potšišo ya motho wa go šokiša, gomme, bokaonekaone bja monagano wa ka, ke nagana gore ke dirile gabotse. Gomme, ka pelapela, mo o ka rego ke be—ke tšere se sengwe go tloga go ngwana, ke be ke ahlotšwe kudu, gomme ke sa tsebe e be e le eng. Gomme ke

naganne, mohlomongwe go beng gore ke be ke gatelela go tla go tirelo yela ya phodišo, mohlomongwe yo mongwe a babja ka tlhokofalo kudu, yo a swanetšego go rapelelwa thwi nako yeo. Gomme ke botšišitše batheeletši. Mo metsotsong e se mekae, e ile ya utollwa. Gomme yo mongwe o rile, “A o ka se bale sa gago—bale sehlogo sa gago gape?” goba se sengwe. Gomme nako yeo, ke topile ntsekana ye nnyane ya pampiri le go e bala gape, go bona se e se boletšego. Ke lebeletše fase go Dipuku, gomme e be e fapano go felela, potšišo ye ke bego ke e araba. Le a bona?

<sup>35</sup> A nke ke no fetiša se go lena. Ge sa Kagodimogatlhago se etla ka gare, woo ke monagano wa Kriste. O ba kgole kudu go tloga go monagano wa gago mong, go fihla, ka monaganong wa gago mong, ke... Se, o... Nna ga ke... O se ntire ke leke go hlaloša seo, gobane nka se kgone. Le a bona? Nka se kgone go e dira. Ga go yo a ka kgonago go e dira.

<sup>36</sup> Monna yola a ka kgona bjang, yoo ke Eliya, a eme godimo fale godimo ga thaba, ka tlase ga Bogona bja Modimo, le go gogela Mollo fase go tšwa legodimong, gomme ka gona pula thwi morago ga Mollo? Gomme ka gona a tswalela magodimo, gomme ga se ya ke e ena lebaka la mengwaga ye meraro le dikgwedi tše tshela, le go ya thwi morago le go bitša pula, ka letšatši leo la go swana! Gomme ka tlase ga tlotšo yela, ka fao... Gomme o tšeetše baprista ba makgolonne ntle le go ba bolaya; gomme morago a kitimela lešokeng, a goeletša bakeng sa bophelo bja gagwe, go tšošetšo ya mosadi o tee. Le a bona? Isebele, o enne gore o tla tsea bophelo bja gagwe. Ge, Ahaba le bona bohole ba be ba le fao, go bona Bogona bja Modimo le mohlolo wo mogolo o dirilwe. Le a bona, ya gagwe... Moya o be o mo tlogetše. Ka tsela ya gagwe ya tlhago ya go nagana, o be a sa tsebe mokgwa wa go nagana, le a bona. O be a sa kgone go nagana bakeng sa yenamong.

<sup>37</sup> Gomme, elelwang, Morongwa o m robaditše, le go mo khutšiša. A mo tsošetša godimo, a mo fa dikuku tše dingwe; morago a mmea morago go robala, gomme a mo khutšiša; gomme a mo tsošetša godimo, le go mo fa dikuku tše dingwe gape. Gomme ga re tsebe se se diregilego go monna, lebaka la matšatši a masomenne. Ka gona o ile a gogelwa morago ka leweng, felotsoko, gomme Modimo a mmitša.

<sup>38</sup> Le se leke go hlaloša seo sa tša Kagodimogatlhago. Le ka se kgone go e dira. Le a bona? Selo se nnosi ke go dira, e no ba go ya pele thwi. Gomme ke leka go itira nnamong go hlaka ka mo nka kgonago, eupša go tloga bjale go ya pele ke tla... Ke nagana nka se tsoge ka e leka gape. O tla no dumela ka go felela, goba aowa. Gomme ke... O tla bona, moragwana gannyane, gonganeng.

Bjale, ke lekile go botega. Modimo o tseba seo.

<sup>39</sup> Gomme potšišo yeo mosong wo. Ke be ke leka go e araba feela ka potego ka mo ke tsebilego bjang. Ke sa tšo bala karolo ya pele ya temana, gomme e be e le... go ka be go se gwa loka.

Eupša Moya wo Mokgethwa, go kwešiša gore ke . . . monagano wa ka . . . Le a bona, lebelelang, matšatši a mabedi goba a mararo a mafelelo, se se bego se direga. Le a bona, ke—ke biditše makgološupa . . . “dikete tše šupago,” makgološupa. Mosong wo, ke be ke leka, gomme e topetšwe godimo ke batho, le a bona, gomme seo se laeditše gore le be le šeditše. Bjale, le lengwe le letee, moo ke bego ke leka go re “leeba,” gomme ka le bitša kwana; eupša ka swara seo ka pelapela. Gomme ka gona, mo, ye tee ke sego ka kgona go e swara, Moya wo Mokgethwa o retologetše thwi morago go dikologa le go mpiletša go yona.

<sup>40</sup> Yeo ke tiišetšo gabedi gore dilo tše di lokile. Tšona di . . . Modimo o šeditše godimo, go bona gore E lokile. Yeo ke nnete. O nyaka go dira. O nyaka le tsebe gore Ke Therešo.

<sup>41</sup> Ke Yena yo a O romelago, gobane ka kgonthe e be e se . . . E be e no ba bontši go nna, go ithuta, bjalo ka ge go bile go wena. Gomme kafao re . . . Ke leboga kudu bakeng sa tse—tse—tse tsebo, go tseba bjale ka ga Morena, iri ye re phelago ka go yona; le a bona, go pheleng thwi mo nakong ya bofelo, pele ga go tloga ga Kereke. Bjale feela . . .

<sup>42</sup> Re be re bolela, kafao a re nong go kgopela ditšhegofatšo tša Gagwe godimo ga Lentšu gape.

<sup>43</sup> Tate wa rena wa Magodimong, mo go tla bošego bjo bogolo bjola, iri ye kgolo yeo ge selo se segolo se diregile. Go bile gohle tikologong ya batho. Gomme, Tate, ke a rapela gore bosegong bjo e tla dirwa go tsebja, ka godimo ga moriti wa pelaelo, go dipelo le monagano wa batho, gore ba tla tseba gore Modimo o sa le godimo ga Terone, le gore O sa rata batho ba Gagwe.

<sup>44</sup> Gomme ke iri, iri yeo lefase le hlohogetšego go e bona, bjale e a batamela, ka gore le llela topollo. Re kgona go bona dielemente di loketše go e tliša morago. Re kgona go bona dielemente di loketše go tliša Kereke ka Bogoneng bja Kriste. Re kgona go bona mo—mo Monyalwa a tše sebopego, a apara seaparo sa monyanya, a itokiša. Re kgona go bona dietša di bakenya. Re a tseba gore re bofelong.

<sup>45</sup> Bjale, Tate wa Legodimong, ge se se eya pele bjale go rera, goba go ruta ka ye kgolo ye, tiragalo ye maatla yeo e diregilego ka Letagong, mengwaga tsoko ye dikete tše pedi ya go feta, gomme ya fiwa go moapostola morategi yo mogolo, Johane. Gomme bosegong bjo re swanetše go bolela godimo ga Yona. A nke Moya wo Mokgethwa o tle pele bjale ka go Maatla a Gagwe a magolo a kutollo, gore A ke a utolle go rena selo sela se A nyakago re se tseba, bjalo ka ge A bile mo mašegong a se makae a go feta. Re neela borena go Wena, le Lentšu, ka go la Jesu Leina. Amene.

<sup>46</sup> Bjale, ge le nyaka go phetla, mohlomongwe, ka Dibeibeling tša lena. Gomme ye e no ba temana ya seripana, temana e tee ya Lengwalo. Eupša, ke temana ya mafelelo, e hwetšwa . . . Lehuto la mafelelo, a ke re.

Bjale, bošegong bja go feta re be re bolela ka Lehuto la Boselela.

<sup>47</sup> Lehuto la Pele, ka go ba molwalekriste a tsebišitšwe. Nako ya gagwe e ile go kgabola, gomme re bone ka fao a ilego ntle.

<sup>48</sup> Ka fao Sebata seo se tsebišitšwego, godimo ga Maatla a Modimo se se ilego pele ka maatla a molwalekriste, go a lwantšha! Ga ke dumele go ka ba le potšišo ka monaganong wa yo mongwe ka yona.

<sup>49</sup> Ka gona re hwetša, ke ka pela ka morago ga leo, lebaka lela la kereke, tšona Dibata di ile.

<sup>50</sup> Go kgabola, re hweditše, re fetotše, seswantšho ka moka kua, ga go sa le Dibata tše di tlago ntle. Le a bona? Eupša, go be go tsebišitšwe, go tleng pele, godimo ka go sekgao sa Tlaišego, morago ga ge Kereke e tšwetše ntle.

<sup>51</sup> E lekanetše ka phethagalo bjang thwi ka gare le mabaka a kereke! Ga ke bone le ge e ka ba ntsekana, selo se tee seo se sa lekanelago go phethagala, ebole go mabaka le se sengwe le se sengwe, le dinako. Naganang ka yona. Seo se a laetša, e be e swanetše go ba Modimo a e dirile. Monagano wa motho ga se o kgone go naganišiša seo. Gomme bjale re hwetša gore seo, gape, re . . .

<sup>52</sup> Morena re dumelele go tsea Lengwalo, Lengwalo le Lekgethwa, se Jesu a rilego se tla direga. Gomme re ka be re hweditše seo bjang? Gomme mo, o tla godimo le go utolla, le go e tliša feela tlwa. Thero ya Gagwe kua, go araba yeo, e tliša ntle tlwa go ntlha, tshela ya Mahuto, eupša O tlogetše la Bošupa. Le a bona?

<sup>53</sup> Ka gona ge Mahuto a butšwe, Modimo, elang hloko mo, O tlogetše go utolla ebole le leswao e ka ba lefe la Lona la Bošupa. Le a bona? Ke sephiri sa go phethagala le Modimo. Hlokamelang. Bjale re ya go bala ka Beibeleng, ka go—go Lehuto la Bošupa. Leo le hwetšwa ka go Kutollo, tema ya 8.

*Gomme ge a butše lehuto la bošupa, go be go le setu legodimong e ka ba sekgoba sa seripa sa iri.*

<sup>54</sup> Gomme seo ke sohle re nago le sona go yona. Bjale re ya go lemoga.

<sup>55</sup> Gomme le se ke la leka go swara botelele kudu, ka gore ba bantši ba lena ba tla be ba le tseleng, go le bjalo, bošegong bjo, ba eya gae. Gomme ke naganne gape, go beng le tirelo ya phodišo mosong wo, ye e tla le dumelelago go ya ka gare mosong, ga se ba swanela go leta gape. Gomme bjale re . . .

<sup>56</sup> Gomme nna, gape, ke swanetše go sepela go ya—go ya Tucson, Arizona, moo ke dulago. Gomme ke legae la ka bjale. Gomme ka gona ke—ke nyaka go ba morago mo, Morena ge a rata, tikologong . . . Lapa le nyaka go tla morago matšatši a se

makae ka June. Gomme, bjale, mohlomongwe ke tla kopana le lena bohle tlase fa, kopano ka nako yeo.

<sup>57</sup> Tirelo ya ka ye e latelago ye e beilwego ke Albuquerque, New Mexico. Ke nagana gore ke la senyane, lesome, le la lesometee. Ke tla ba fao ka Labone le Labohlano le Lebotse. Kafao, ke be ke swanetše go ba le selo ka moka, gomme ke bile le dipeelano tše dingwe moo nka se kgonego go e dira go fihla nako yeo, kafao ke tla ba le Labone bošego le Labohlano bošego, ka Albuquerquer, New Mexico.

<sup>58</sup> Gomme ka gona—gomme ka gona—go latela, ya go tsebja, kgauswi, e ka kgonagalo. Ga re tsebe ka nnete. Seo ke go ba le bagwera ba ka ba go loka, se—se sehlopha sa *Mokgoši Wa Gare Ga Bošego*, ka . . . godimo ka Borwa bja Pines, Carolina Leboa.

<sup>59</sup> Gomme ba mogaleng ka kua bjale, e lego, ba rometše dithelekramo, molaetša, le se sengwe le se sengwe, le go tla kgauswi go, bakeng sa sehlopha se sengwe, mo Little Rock; ya batho ba Jesus' Name bao ke bilego le dikopano le bona, godimo kua Cow Palace selemo sa go feta. Ba na le khonferense ya bona ka go Little Rock, Arkansas. Gomme ba bile, ge e sa le ngwaga wa go feta, ba nyaka bonnyane bošego bjo botee. Goba, ba nyaka ka moka ga yona, eupša ebile ba tla be ba le komana bakeng sa bošego bjo botee. Gomme ka fao ke ba boditše, ke sa tsebe feela se nka se dirago, ke rile ba ka kgona go e kwalakwatša, “ka kgonagalo.” Ka gona ba tla e dira gore e tsebje moragwana gannyane.

<sup>60</sup> A o sa tšo letša? Uh-huh. Go lokile. O reng? [Ngwanešu o re, “Hot Springs.”—Mor.] Hot Springs, a ke yona? Ke be ke fošitše. [“Masomepedi nne.”] Masomepedi nne a . . . [“Mei.”] A Mei? [Yo mongwe o re, “Masomepedi nne go ya go masomepedisewai a June.”] Masomepedi nne go ya go masomepedi seswai a June. Bjale e tsebišitšwe, “Ka kgonagalo,” ke gore, “ge eba e le thato ya Morena.” Le a bona? Ke tla . . .

<sup>61</sup> Lebaka šele ke ratago go dira dilo tše. Le tla ithuta moragwana gannyane, bjale, le a bona. Ge ke eya lefelong, ke rata go bea maoto a ka fase kua, ke tseba gore Modimo o rile, “Eya fao.” Gona ge lenaba le phagamela godimo e ka ba kae, ke re, “Ke fa Leinang la Morena Jesu. È no sepelela morago!” Le a bona? Le a bona? Le a bona? Gomme o—o na le nnete, mobu wa gago, le a bona. Ge A go rometše kae kapa kae, O tla go hlokomela. Le a bona? Eupša ge o eya, go no tšea gore, gona ga ke tsebe; A ka no be a se fao. Kafao ke—ke nyaka go ba le nnete ka mo nka kgonago. Ke tšere ba bantsi bao A sego a mpotša go ba tšea, eupša ke—ke rata go ba le kgonthe ka mo go kgonegago. Morena a le šegofatše bohle bjale.

<sup>62</sup> Bjale, bjale re a hlokomela, ye e no ba temana e tee mo, re rata go dira se sengwe feela gannyane—nthatana pele ga fa. Le a hlokomela, re tshetše tema ya 7. Tema ya 6 e fetša la Boselela,

Lehuto la Boselela. Eupša, gare ga Lehuto la Boselela le Lehuto la Bošupa, go na le selo se sengwe se a direga. Le a bona? Gomme ka fao—kafao ka go ratega se no bewa ka go lefelo la maleba, gare ga tema ya 6 le ya 7. Bjale le a hlokomela ka go tema ya 7, re a hlokomela, gare ga la Boselela le la Bošupa, fao go na le sekgala. Sekgala, gare ga, tema ya 6 le ya 7 ya Puku ya Kutollo, gomme ke gare ga Lehuto la Boselela le la Bošupa leo sekgala se se filwego. Bjale re nyaka go hlokomela se. Go bohlokwa kudu gore re hlokomela nako ye nnyane ye.

<sup>63</sup> Bjale elelwang, ka morago ga tema ya 4 ya Kutollo, Kereke e ile. Ka morago ga ge ba—ba bane banamedi ba pere ba tšwetše ntle, Kereke e ile. Le a bona? Se sengwe le se sengwe seo se diragetshego go Kereke, se diragetshe godimo go tema ya 4 ya Puku ya Kutollo. Se sengwe le se sengwe seo se diregilego ka go mosepelo wa molwalekriste, se ile godimo go tema ya 4. Gomme Lehuto la Bone la Kutollo, bobedi go molwalekriste le Kriste, ba fedile. Gomme molwalekriste o tla go tshenyego ya gagwe, le madira a gagwe; gomme Kriste o tla le madira a Gagwe.

<sup>64</sup> Ke ntwa ya kgale ye e thomilego moragorago, mošola wa nako. Gomme ka gona ba be... Sathane le barongwa ba gagwe ba ragelwa ntle, gomme ka gona ba tla lefaseng. Gomme ntwa ya hlaka gape, gobane Efa o robile mapheko go tloga fao a bego a beilwe a mnoši, ka morago ga Lentšu la Modimo. Gomme go tloga yona iri yeo, Sathane o thopile ntwa godimo ga Lentšu la Modimo, ka gobane yo mongwe wa balatedi ba Gagwe, mofokotšana, o hlephišitše mapheko. Gomme ke tlwa ka fao a thopilego ntwa nako le nako, e bile ka baka la gore yo motee wa balatedi ba Gagwe o hlephišitše lepheko go tloga go Lentšu.

<sup>65</sup> Gomme e dirilwe ka go lebaka le la mafelelo la kereke, ka tshepedišo ya mokgatlo. Yeo, ya kgontha, ya mmapale, kereke ye kgethwa ya Modimo yo a phelago, le monamedi wa maaka, ga se ya amogela Lentšu, gomme a retolla kereke go tloga go Lentšu go ya go thutotaelo.

<sup>66</sup> Bjale, ke ba bakae ba tsebago gore ke thutotaelo yeo kereke ya Roma ya Katoliki e agilwego godimo ga yona? A ba e dumela? Go felela. Nnete. Kgontha, ba a e dumela. Seo ga se sohle. Katoliki, kgontha, e ka se gobatše maikutlo a bona nthatana, gobane ba tseba seo. Ba nno oketša ye mpsha, mo e segó telele go fetile, gore Maria o tsogile. Le a e elelwa, mo mengwaga e segó mekae ya go feta, e ka ba mengwaga ye lesome. Ke ba bakae ba elelwago seo? Pampiri, ka kua. Nnete. Le a bona? Se sengwe le se sengwe, ye mpsha “thutotaelo.” Le a bona, ke thutotaelo yohle, e segó Lentšu. Le a bona?

<sup>67</sup> Moprista, go poledišanonyakišo kgauswana, o rile, “Mna. Branham,” o rile, “Modimo o ka kerekeng ya Gagwe.”

Ka re, “Modimo o ka Lentšung la Gagwe.”

O rile, “Ga ra swanela go nganga.”

<sup>68</sup> Ke rile, “Ga ke ngange. Ke no dira setatamente. Modimo o ka go Lentšu la Gagwe. Yeo ke nnete. ‘E ka ba manga yo a ka tlošago go tšwa go Lona, goba a oketša e ka ba eng go Lona,’ go boletše Lentšu.”

<sup>69</sup> O rile, “Gabotse, Modimo o file . . . Kriste o file Kereke ya Gagwe maatla, gomme o ba boditše: eng kapa eng ba e tlemilego lefaseng, e tla tlengwa Legodimong; le seo . . .”

Ke rile, “Yeo ke Therešo tlwa.”

<sup>70</sup> O rile, “Re na le, godimo . . . godimo ga kokwane ye, gore re na le maatla a go tlemolla sebe.”

<sup>71</sup> Gomme ke rile, “Ge o ka e dira ka tsela ye e filwego go Kereke, le ka tsela ye ba e dirilego, ke tla e amogela. Ge le dira, go na le meetse mo, go ‘kolobetšwa Leineng la Jesu Kriste go tlošweng ga dibe tša gago,’ o a bona, e sego ka yo mongwe a go botša dibe tša gago di tlošitšwe.” Le a bona? Le a bona? Seo ke tlwa.

<sup>72</sup> Šetšang Petro ka dikgonyo, mo Letšatšing la Pentecost. Elelwang, o swere dikgonyo tše ba bolelago ka tšona. Gomme ba—ba banna ba rile, “Banna le baena, re ka kgona go dira eng gore re phološwe?”

<sup>73</sup> Petro o rile, “Sokologang, yo mongwe le yo mongwe wa lena, le kolobetšweng Leineng la Jesu Kriste” (bakeng sa eng?) “bakeng sa go tlošwa ga dibe, gomme gona le tla amogela neo ya Moya wo Mokgethwa. Ka gore tshepišo ke ya lena, le go bana ba lena, bona bao ba lego kgole, ebile bontši bjo Morena Modimo wa rena a tla bo bitšago.” Yeo ke nnete. Kafao seo se a e rumo neng le neng. Go fedile. Seo se e dirile.

<sup>74</sup> Bjale, eupša, le a bona, molwalekriste o tlide ka gare, bjalo ka ge re e swantšište le go e bontšha. A kutollo! Nna, nna! Gomme go nagana, mengwaga ye yohle, re e bone e sepelela. Gomme še ka phethagalo, thwi, O RIALO MORENA.

<sup>75</sup> Bjale, gomme re hlokomela sekgala se bjale, gare ga, tema ya 6 le ya 7. Bjale, tema ya 7 ya Kutollo, fa go—go . . . utolla tiragalo. Ga se ka mo feela bakeng sa lefeela. Ga se sa bewa ka gare, gare ga ye, bakeng sa lefeela. Le a bona? E mo bakeng sa morero, gomme ke kutollo ye e utollago se sengwe. Hlokomelang ka fao ka sephiri le ka fao ka sepelontshetshere e lekanelago thwi ka go Lengwalo! Le a bona? Tlwa.

<sup>76</sup> A le dumela go dipalontshetshere tša Modimo? Ge le sa dire, ka kgontha le lahlegile ka go . . . Ka nnete le tla lahlega ka go Lentšu, ge le thoma go bea nne goba tshela, goba—goba se sengwe, ntle le feela mantšu a dipalontshetshere a kitima ka lenaneo. Ka kgontha le tla ba le go lefelotiragalo la lena, kgomo e fula bjang ntlhoreng ya mohlare, felotsoko. Ka kgontha le tla kitimela ntle. Gobane, Modimo ga a . . . Lentšu la Gagwe ka moka le kitima go felela ka—ka—ka dipalontshetshere. Ee,

mohlomphegi. Go phethagala, go phethagala kudukudu! Ga go sengwalwa se sengwe se ngwadilwego boka Lona, boka Lona, go phethagala kudu ka dipalontshetshere.

<sup>77</sup> Bjale, te—te tema ya 8 e utolla feela lefelotiragalo la—lefelotiragalo la Lehuto la Bošupa, moo go sego selo gape se utolotšwego, bjale, e sego selo. Ga se go utollwe ka go Lehuto la Bošupa . . . bjale, ga le na selo go dira le tema ya 7 ya—ya Kutollo. Go utollwa ga lona, ga Lehuto la Bošupa, ke go homola ka go phethagala. Gomme ge feelsa nkabe ke na le nako . . . ke tla leka mafelo a se makae, go le laetša.

<sup>78</sup> Tsela yohle morago, go tloga go Genesi, ye ya Bošupa tem—. . . goba Lehuto le la Bošupa go—go—go bolelwago ka lona. Go tloga gona mathomong, ka go Genesi, le la Bošupa Le—. . .

<sup>79</sup> Mahuto a a sepeletše thwi godimo. A ga le kgone go elelwa, mosong wo, go tliša dilo tše godimo? Gomme šetšang, bošegong bjo, go di tliša godimo. Gomme le a hwetša, ge go fihla go Lehuto lela la Bošupa, o a ripa. [Ngwanešu Branham o thwantšha monwana wa gagwe gatee—Mor.] Ee.

<sup>80</sup> Jesu Kriste, ka go bolela, Yenamong, o boletše ka nako ya bofelo. Gomme ge A hweditše . . . O boletše Mahuto ohle a tshela. Ge A fihlile go la Bošupa, O eme. Šeo yona, le a bona. Ke selo se segolo.

<sup>81</sup> Bjale, bjale, re ya go bolela fa bjale ka tema ye ya 7, feelsa motsotsso, go—go mohuta wa go e dira leporogo, gare ga Lehuto la Boselela le la Bošupa. Gobane, tše ke materiale o nnoši re swanetšego go ya pele, thwi bjale, ke la Boselela . . . gare ga la Boselela le la Bošupa Lehuto, ke go biletša Israele ntle.

<sup>82</sup> Bjale, ke na le bagwera ba bantši ba bakaone ba Dihlatse tša Jehofa ba dutše mo, bao bohole . . . goba ba bilego. Mohlomongwe ba bangwe ba bona e sa le Hlatse ya Jehofa. Eupša ka mehla ba šomišitše, Mna. Russell o dirile, dikete tše lekgolo le masomenne nne tše, go ba Monyalwa wa kagodimogatlhago wa Kriste. Le a bona? Ba . . . Ga se yona.

<sup>83</sup> Ga e na le selo go dira ka lebakeng la kereke, le gatee. Ke bona Israele ya go felela. Bjale, re ya go bala mo metsotsong e se mekao. Bjale, sekgala se, gare ga la Boselela . . . Mahuto, ke pitšo le go swaya Bajuda ba dikete tše lekgolo masomenne nne, ba bitšwago ka go sekga sa Tlaišego, morago ga ge Kereke e sepetše. Le a bona? Ga e na selo go dira le lebaka la kereke, le gatee. Oo, o biditšwe, gomme ka phethagalo kwanong le Lengwalo. Dibeke tše tharo le seripa tša mafelelo tša Daniele, di abetšwego go “batho” ba gabu Daniele, le a bona, e sego Bantle. Go ba gabu Daniele “batho,” gomme Daniele o be a le Mojuda!

<sup>84</sup> Bjale hlokamelang, Israele, Israele e dumela feelsa baprofeta ba gagwe, gomme, morago ga ge ba hlatseditšwe.

<sup>85</sup> Gomme ga go felo go kgabola lebaka la kereke, ge e sa le ka go Kereke ya pelepele ya boapostola, kereke ya Protestant e kilego ya ba le moprofeta. Mpotšeng o be o le mang, gomme mpontšheng yona. Le gatee! Ba bile le, ka go lebaka la pelepele la boapostola, yo motee a bitšwago Agabo, e bego e le moprofeta yo a hlatseshwego. Eupša ka go... Ge Bantle ba tlide ka gare, ka go bohwa bja Modimo, gomme Paulo o retologetše go Bantle. Ka morago ga Petro, bjalo ka ge re badile bošegong bja go feta, re amogetše go tšwa go Morena, gore, "O be a tšeabā—ba batho go tšwa go Bantle, bakeng sa Leina la Gagwe, Monyalwa wa Gagwe," gona ga se nke ba ke, go matlakala a histori, moprofeta wa Bantle. Bjale le no ya morago go kgabola histori gomme la hwetša. Gobaneng? Tlwa, e tla ba kgahlanong le Lentšu. Tlwa.

<sup>86</sup> Ge la mathomo se ile pele, e be e le tau, bao *e be e le* baprofeta: Lentšu.

Sa go latela se ile pele, e be e le mošomo, sehlabelo.

Sa go latela se tla pele, e be e le mahlajana a—a motho.

<sup>87</sup> Eupša re a tshepišwa, mo letšatšing la mafelelo, seo go boela go Kereke gape, bakeng sa kholego ya go otlolla tšohle tše di hlahletšwego thoko, di fošitšwego, di sego tša dirwa, di tlogetšwego di se tša dirwa. Ka gore, go boleletšwepele mo gore Molaetša wa morongwa wa bošupa o tla fetša diphiri tša Modimo. Gomme, ka gona, re ile go O kgabola ohle. Re a bona gore O kwanong ye e phethagetšego le Lengwalo. Kelebaka leo.

<sup>88</sup> Bjale, a le ka eleletša, ge motho yo a etla go lefelotiragalo? Ge a dira, elelwang, e tla ba go kokobela kudu le dilo, go fihla dikereke di tla e foša kgolekgole. Gomme a le ka eleletša, dikereke, di sa le ka tlase ga motlwaе wa bampshafatši, di ka tsoge tša amogela moprofeta go tšwa go Modimo, ke mang a tla bago ka go se šišinyege kgahlanong le dithuto tša bona le mekgtalo?

<sup>89</sup> Bjale, go na le motho yo motee feela a ka kgonago go phethagatša seo, Moya o tee feela wo o kilego wa ba lefaseng, wo ke tsebago ka wona. E ka ba gore... Go tla swanelo go ba Eliya, mo nakong ya gagwe. Gomme go akanyeditšwepele gore e tla ba, e sego selo eupša Moya wa Kriste.

<sup>90</sup> Ge Kriste a etla, O be a le bottlalo. O be a le Moprofeta. O be a le mo—mo Modimo wa baprofeta. Le a bona? Le a bona?

<sup>91</sup> Kriste, lebelelang ka fao ba bego ba Mo hloilego. Eupša O tlide tlwa ka tsela ye Lentšu le rilego O tla tla. Eupša ka gore O be a le Moprofeta, ba ithogakile bonabeng go tloga go Mmušo wa Modimo, ka go bitša Moya wa Modimo, wo o bego o hlatha le go ya pele, "moya wa ditšila." O rile, "O be a le—o be a le mmolelelamahlatse, goba diabolo," ke gore.

<sup>92</sup> Mmolelelamahlatse ke diabolo, le a bona, moyo wa diabolo. Ka kgonthe. A le tsebile seo? Ka go felela. Mmolelelamahlatse

ke moekišo wa moprofeta, e lego thogako ya go felela pele ga Modimo.

<sup>93</sup> Bjale hlokamelang. O biditše, ka kwano ya go phethagala le Mangwalo, a mengwaga ye meraro le seripa se tee ya mafelelo ya Daniele.

<sup>94</sup> Hlokamelang, modumedi wa Israele—badumedi feela ba a botšwa, ka go Testamente ya Kgale, go dumela baprofeta ba bona ka morago ga ge moporofeta a hlatsetšwe. “Ge go na le yo motee magareng ga lena, yo e lego wa semoya goba moprofeta, Nna Morena wa Ka- . . . Modimo wa lena ke tla itira go tsebjia ka Bonna go yena, le go bolela le yena ka dipono, ka ditoro, go hlatholla ditoro.” Yo mongwe o na le toro, moprofeta o tla kgona go e hlatholla. Gomme ge—ge a na le pono, o a e bolela. “Ke tla itira go tsebjia Nnamong go yena ka dipono le ditoro, go itsebiša Nnamong. Gomme ge se a se bolelago se etla go phethega, gona kwang moprofeta yola, gobane ke na le yena. Ge se sa dire, gona le se ke la mmoifa le gatee.” Ya. Yeo ke nnete. “Tlogang, e nong go mo tlogela a nnoši, le a bona.” Bjale seo . . .

<sup>95</sup> Bjale, Israele ka mehla e ya go dumela seo. Gomme a ga le bone? Gobane gobaneng?

Bjale ke nyaka le sware thuto ye gabotse, bošegong bjo, bjale.

<sup>96</sup> Gobaneng? Ka gobane, yeo ke taelo go tšwa go Modimo, go bona. Ga ke kgathale ke dithereke tše kae tše Bantle ba kgonago go di hwetša kua mošola le go di phatlalatša ntle. Ga ke kgathale o ya go kgabola Israele bontši gakaakang ka Beibele ka tlase ga letsogo la gago, go netefatša *se, seo*, goba se *sengwe*; ba ka se tsoge ba amogela selo eupša moprofeta. Yeo ke nnete tlwa. Ka gore, moprofeta ke yena a nnoši yo a kgonnego go tše Lentšu le Lekgethwa gomme a Le bea lefelong la Lona, gomme a ba moprofeta yo a hlatseditšwego. Ba tla e dumela. Yeo ke nnete.

<sup>97</sup> Bjalo ka ge ke be ke bolela le Mojuda godimo fa ka Benton Harbor, ge John Rhyn, a foufetše bophelo bjohle bja gagwe, go nyakile, o amogetše pono ya gagwe. Ba ntšeetše godimo kua, ntlo yela ya Dafida. Gomme rabi yo o tlide ntle ka maledu a gagwe a matelele. O rile, “Ke ka maatlataolo afe o filego John Rhyn pono ya gagwe?”

Ke rile, “Leineng la Jesu Kriste, Morwa wa Modimo.”

<sup>98</sup> O rile, “A go be kgole le Modimo a na le Morwa!” Le a bona? Gomme o rile, “Lena batho le ka se ripaganye Modimo ka diripana tše tharo gomme la Mo fa go Mojuda. Le dira Badimo ba bararo go tšwa go Yena; le sehlopha sa bahetene!”

<sup>99</sup> Ke rile, “Ga ke Mo ripe ka diripana tše tharo.” Ke rile, “Rabi, a e tla ba selo sa go tlabo go wena go dumela yo mongwe wa baprofeta ba gago o boletše seo . . . se *sengwe* sa phošo?”

O rile, “Baprofeta ba rena ga ba bolele selo sa phošo.”

Ke rile, “Ke mang Jesaya 9:6 a bego a bolela ka yena?”

O rile, “Mesia.”

<sup>100</sup> Ke rile, “Gona, Mesia o tla ba Moprefeta Motho. A yeo ke nnete?”

O rile, “Ee, mohlomphegi. Yeo ke nnete.”

<sup>101</sup> Ke rile, “Mpontšhe moo Jesu a e fošitšego.” O rile . . . Ke rile, “Ke tswalano efe Mesia Moprefeta a tla bago le Modimo?”

A re, “O tla ba Modimo.”

Ke rile, “Yeo ke nnete. Bjale o ne yona mo hlogong.”

<sup>102</sup> Kafao nthuše, gore Mojuda a eme fale gomme dikeledi di keleketla go tloga marameng a gagwe, o rile, “Ke tla go kwa nako ye nngwe moragwana.”

Ke rile, “Rabi, o dumela seo?”

<sup>103</sup> Gomme o rile, “Lebelela,” o rile, “Modimo o kgona ka matlapa a go tsošetša Abraham bana.” Ke tsebile o be a le ka go Testamente ye Mpsha.

Ke rile, “Nnete, Rabi! Bjale go reng ka yona?”

<sup>104</sup> O rile, “Ge ke rerile seo, ke tla ba tlase kua,” le tseba mo lefelo la bona le dutšego godimo ga thaba kua, “tlase kua ka mokgotheng, ke kgopela borotho bja ka.”

<sup>105</sup> Ke rile, “Bokaone ke be tlase fale ke kgopela borotho bja ka.” Mojuda o sa ne diatla tša gagwe go tšelete, le a tseba. Le a bona? Le a bona? “Bokaone ke . . .” Gomme leina la gagwe ka go gauta, godimo ga . . . Ke rile, “Bokaone ke be tlase fale, ke je magogo a letswai le go nwa meetse a lekala, gomme ke tseba gore ke be ke le kwanong le Modimo, le therešo; go feta nka ba fa ka leina la ka mo moagong wola, ka go mangwalo a gauta ka mokgwa woo, le go tseba gore ke be ke tlogile go Modimo. Ke tseba seo.” Ga se a ntheetše gape, kafao o tsene ka gare.

<sup>106</sup> Eupša yeo ke yona. O ka se ripaganye Modimo ka diripa tše pedi goba tše tharo, di bitšwago “Tate, Morwa, le Moya wo Mokgethwa,” gomme wa dira Badimo ba bararo gomme wa e neela go Mojuda. Yona taelo ya gagwe ke, “O se be le badimo ba bangwe pele ga Ka. Ke nna Morena Modimo wa gago.” Jesu o boletše eng? Jesu o re, “Lena ekwang, O Israele, Ke nna Morena Modimo wa lena, Modimo yo motee.” E sego ba bararo; o ka se tsoge wa ba fa seo. Aowa. Ga go moprefeta a tla tsogego a bolela ka Badimo ba bararo. Aowa. Ga go felo. O ka se tsoge wa kwa ka seo. Aowa, mohlomphegi. Bjoo ke bohetene le bahetene bjalo ka moo e tšwago gona. Ee, mohlomphegi.

<sup>107</sup> Hlokamelang. Eupša baprofeta ba ba tla tla. E sego feela gore . . . Ba—ba baprofeta, bjale, ke Kutollo 11. Re badile tše dingwe tša yona. Gomme ke nyaka le e bale ge le ithuta, go ditheipi le go ya pele. Ke baprofeta ba go hlatselwa ka go felela, ka leswao la baprofeta. Ka gona Israele e ya go kwa bao.

<sup>108</sup> Bjale, go lena, bagwera ba ka ba Dihlatse tša Jehofa, kwešišang bjale gore ba, dikete tše lekgolo masomenne nne, ga ba na le selo go dira le Monyalwa. Fao ga go le mothalwana o tee wa nthatana wa Lengwalo go thekga seo. Aowa, mohlomphegi. Ga se bona. Ke Bajuda. Bakgethiwa bao ba bileditšwego ntle nakong ya mengwaga ye meraro le seripa ya dibeke tše masomešupa tša Daniele. Bjale yeo ke...

<sup>109</sup> Ke—ke tšwelapele go tsopola ye godimo. E sego bontši kudu go lena bohole mo, eupša, le a bona, batho, ditheipi tše di ya mogohle, le a bona. Gomme le kwešiša seo. Le nkwa ke tsopola morago. Ke bakeng sa morero woo.

<sup>110</sup> Hlokamelang. Bjale bonang ka fao ba bego ba swanetše go, ba foufetše, a le bona ka mo ba bilego...? Jesu, goba, Modimo o ile a swanelia go foufatša Bajuda, go ba thibela gore ba lemoge Jesu. Ge nkabe ba tsebile, ge feela nkabe ba tsebile gore leo... Go boneng leswao le A le dirilego, ge nkabe ba bile ka legatong la bona la maleba, boka ba be ba le morago ka tlase ga molao ge Modimo a ba laetše ka moprofeta, gomme ba bone Jesu a dirile seo, ba be ba tla re, "Yo ke Mesia." Gobaneng e bile?

<sup>111</sup> Bao ka go lebaka lela, ba ba bilego le maina a bona a ngwadilwe go Puku ya Kwana ya Bophelo, baapostola ba Gagwe le go ya pele, ba e bone gomme ba e lemoga.

<sup>112</sup> Gobaneng ka moka ga bona ba se ba dira? Le a bona, ba be ba foufaditšwe. Ga se ba kgona go e bona. Ga ba e bone, go le bjalo. Gomme ba ka se e bone go fihla a tswalwa bjalo ka setšhaba, ka nako ye tee. Seo se ka se kgone...

<sup>113</sup> Lentšu le ka se palelwe. Elelwang, Lentšu le ka se kgone go palelwa. Ga go kgathale ke maikutlo a makae o nago le ona, le se sohle se diregago, efela Lentšu lela le ka se palelwe. E ya go ba tlwa ka tsela ye Modimo a rilego e be e le. Le a bona? Bjale, re lemoga gore dilo tše di swanetše go direga.

<sup>114</sup> Gomme ke ka lebaka leo ga se ba lemoga Jesu ge A itsebagaditše ka go phethagala Yenamong go ba Moprofeta.

<sup>115</sup> Ebile le yo monnyane—yo monnyane mosadi wa kgale wa Mosamarria a eme ntle kua sedibeng. Ga se nke A ke a ba ka Samaria; O nno ya godimo, o rile O bile le tlhoko go ya ka tsela yela, gomme O ile godimo fale. Gomme go be go le mosadi yo monnyane yola. Gomme yena, ka seemo sa gagwe, o be a le seemong se sekaone go amogela Ebangedi go feta baprista bale ba bodumedi le dilo tša letšatši leo. O e dirile. Ka kgontha. Bjale, le a bona?

<sup>116</sup> Eupša, ka sefahlegong sa go gana gohle ga bona, efela yo mongwe wa banna ba bona ba go hlomphega kudu o dumetše gore ba tsebile O be a le Morutiši a rometšwe go tšwa go Modimo.

<sup>117</sup> Ke be ke bolela le yo mongwe wa dingaka tše kaonekaone kudu di lego ka dinageng tša borwa, ka ofising ya gagwe, e sego

telele go fetile. Ngaka ya go ikgetha kudu ka Louisville, monna wa mogale wa kgonthe. Gomme ke rile go yena, ke rile, “Ngaka, ke nyaka go go botšiša potšišo.”

O rile, “Go lokile.”

<sup>118</sup> Ke rile, “Ke hlokometše leswao la lena la dihlare, bašomi. Le na le sephente e tatalwe go dikologa kota. Yeo e emela eng?”

O rile, “Ga ke tsebe.”

<sup>119</sup> Gomme ke rile, “E emela se: e be e le seka sa phodišo Kgethwa, moo Moshe a phagamišeditšego sephente ya mphiri godimo ka lešokeng, o a bona, e bego e no ba seka, feela seka sa Kriste wa therešo.”

<sup>120</sup> Bjale, lehono, sehlare ke seka sa phodišo ye Kgethwa. Gomme le ge ba bantši ba bona ba sa e dumele, dingaka tše botse ka kgonthe ba a e dumela. Eupša ba bangwe ba bona ga ba e dumele. Eupša lona leswao le ba le swerego le paka go Maatla a Ramaatlakamoka Modimo, ge eba ba nyaka go e dumela goba aowa. Le a bona? Yeo ke nnete. Go ne sephente ya mphiri e lekeletše godimo ga kota, godimo ga empleme ya dihlare.

<sup>121</sup> Bjale hlokamelang Bajuda ba. Bjale, dikgapetla tša bofotu di be di le godimo ga mahlo a batho ba. Bona, ga se ba kgone go e thuša; e be e le gona, gomme Modimo o e beile fale. Gomme ba godimo kua go fihla lebaka le ba tshepišitšwego, baprofeta ba tlago. Le ka kgona go romela baromiwa, le ka kgona go dira e ka ba eng le nyakago; Israele e ka se tsoge ya sokologa go fihla baprofeta ba ba etla go lefelotiragalo, gomme seo se tla ba ka morago ga Tlhatlogo ya Kereke ya Bantle.

<sup>122</sup> Go no swana le ge lebaka la pholo le ka se kgona go amogela pitšo ya tau, gobane Modimo o boletše ka Lentšung la Gagwe gore Moya wa poo o ile ntle. Gomme ka go lebaka la bampshafatši, monna o ile ntle. Le a bona? O no . . .

<sup>123</sup> Seo ke selo se nnoši le . . . ba kgonago go se amogela. Seo ke . . . Gomme, ka kua bjale, ba foufaditšwe. Seo e no ba sohle se lego go yona. Bjale hlokamelang.

<sup>124</sup> Eupša lebaka le etla ge Bantle go tla be go fedile ka bona. Go na le mohlare, gomme medu e be e le ya Sejuda, gomme o ripilwe; gomme Montle o hlomeseditšwe ka gare, “wa lešoka, mohlare wa mohlware,” gomme o tliša pele kenywa ya wona. Bjale, ge Monyalwa yola wa Montle a ripilwe, mohlare wola wa Monyalwa ke boletšego ka wona, gomme o tšeelwa godimo ka Bagoneng bja Modimo; Modimo o tla swiela bona Bantle ba gosedumele, godimo fa go lehlakore (kgarebe ye e robetšego), gomme a hlomesetša gape. O tshepišitše go e dira.

<sup>125</sup> Gomme go fihla nako yeo, o no swanela go tseba mo o lego . . . Ge o tseba mo o yago, gabotse, go lokile. Ge o sa tsebe, gabaneng, o thekesela ka leswiswing.

<sup>126</sup> Bjale, moo ke ge Bajuda ba tla fetolwa, lebakeng la lebaka leo. Bjale, go swana le lebaka la kereke, ka tlase ga maatla a tshepišo ye e tloditšwego, ba tla amogela Kriste; eupša, bjale, e sego ge Bantle ba sa le ka gare. Bjale re kgona go bona ke mohuta ofe wa molaetša woo baprofeta ba babedi, ba Kutollo tema ya 11, ba tla o rerago. Bjale ka go hlaka le kgona go bona tlwa se ba yago go se dira. Ka gore, mašalela, goba dikete tše lekgolo le masomenne nne, bakgethelwapele, ba amogela Leswao la Modimo.

<sup>127</sup> A re nong go bala. Bjale theetšang sekgauswi ka kgonthe bjale. Bjale ke nyaka le bale le nna, ge le ka kgona, gobane ke ya go lebelela morago go se feela gannyane nthatana, tema ya 7, bjale, ye e gare ga Lehuto la Boselela le la Bošupa.

*...ka morago ga dilo tše—ka morago ga dilo tše  
(Mahuto a)...*

<sup>128</sup> Lehuto la Boselela le ile la tlemollwa, gomme leo ke sekgao sa Tlaišego. Yo mongwe le yo mongwe o kwešiša seo bjale? [Phuthego e re, “Amene.”—Mor.] Lehuto la Boselela le ile la tlemollwa, gomme Tlaišego e be e kgatlampana. Ka morago ga se, eng?

*...ka morago ga dilo tše ke bone barongwa ba bane ba  
eme dikhutlong tše nne tša lefase, ba swere diphefo tše  
nne tša lefase, gore di se ke la foka godimo ga lefase, goba  
godimo ga lewatle, goba godimo ga mohlare ofe kapa  
ofe. (Barongwa ba Bane!)*

*Gomme ke bone morongwa yo mongwe a rotoga go  
tšwa bohlabela, a swere leswao la Modimo wa go phela:  
gomme o goeleditše ka segalontšu se segolo go barongwa  
ba bane, bao ba filwego go senya lewatle, lefase...  
lewatle,*

*A re, Se senyeng lefase, le ge e le lewatle, goba mehlare,  
go fihla re swaile bahlanka...*

<sup>129</sup> E sego Monyalwa. “Bahlanka.” E sego barwa. “Bahlanka.” Israele ka mehla e be e bile bahlanka ba Modimo. Kereke ke barwa, le a bona, ka tswalo. Israele ke mohlanka wa Gagwe. Setšang, lefelo le lengwe le le lengwe, ka mehla ke yona. Abraham o be a le mohlanka wa Gagwe. Ga se rena bahlanka. Re bana, barwa le barwedi. Ya.

*...ba...ba Modimo wa rena phatleng ya bona.*

<sup>130</sup> Bjale šetšang.

*...Modimo wa rena phatleng ya bona.*

*Gomme ke kwele palo ya bona bao ba swailwego:...*

<sup>131</sup> Bjale ke nyaka le theetše sekgauswi go palo ya bona.

*...gomme go swailwe dikete tše lekgolo le  
masomenne nne tša meloko yohle ya bana ba Israele.*

<sup>132</sup> O ba bitša ka phethagalo. Bjale, ge go ka direga go ba mohlathi wa British Israele a dutše mo, theetšang ka fao se se tšeago phefo go tšwa go yona, le a bona.

*Ba moloko wa Juda go swailwe dikete tše lesomepedi.*  
 (Bitšwa, “moloko.”) *Ba moloko wa Rubene go swailwe dikete tše lesomepedi. Ba moloko wa Gada... dikete tše lesomepedi.*

<sup>133</sup> Šetšang meloko ya lena—šetšang meloko ya lena bjale.

*Gomme ba moloko wa Asere go swailwe dikete tše lesomepedi. ... moloko wa Nafutali go swailwe dikete tše lesomepedi. ... moloko wa—wa Manase... dikete tše lesomepedi.*

*Gomme moloko wa Simeone... go swailwe dikete tše lesomepedi. Ba moloko wa—wa Lefi go swailwe dikete tše lesomepedi. Ba moloko wa Isašara... dikete tše lesomepedi.* (Isašara, ke a thanka le bitša yeo.) ... *dikete tše lesomepedi.*

*... mo moloko wa Sebulone... dikete tše lesomepedi.*  
*Gomme moloko wa Josefa go swailwe dikete tše lesomepedi. Go bohle mo... Ba moloko wa Benyamini go swailwe dikete tše lesomepedi.*

<sup>134</sup> Bjale, go be go le meloko ye lesomepedi, dikete tše lesomepedi go tšwa molokong. Lesomepedi atiša ka lesomepedi... ke eng? [Phuthego e re, “Dikete tše lekgolo masomenne nne.”—Mor.] Dikete tše lekgolo masomenne nne. Bjale šetšang. Bona ba be, bohle, ba meloko ya Israele.

<sup>135</sup> Bjale šetšang, “Morago ga se...” Bjale fa go tla sehlopha se sengwe. Bjale, Monyalwa o ile, re tseba seo. Eupša hlokamelang sehlopha se se tla godimo.

*Ka morago ga se ke lebeletše, gomme, bonang, lešaba le legolo, le go sego motho a ka kgonago go le bala, ba ditšhaba tšohle, ... merafe, le batho, le leleme, ba eme pele ga terone, le pele ga Kwana, ba apere ka go diaparo tše tšhweu, le mepalema ka seatleng sa bona;*

*Gomme ba goeleditše ka segalontšu se segolo, ba re, Phološo go Modimo wa rena yo a dutšego godimo ga terone, le go Kwana.*

*Gomme ditšhaba tšohle... di eme go dikologa go rarela terone, le go rarela bagolo le dibata tše nne, gomme ba wa pele ga terone ka difahlego tša bona, gomme ba rapetše Modimo,*

*Ba re, Amene: Ditšhegofatšo, ... letago, ... bohlale, ... ditebogo, ... tlhompho, ... maatla, ... thata, di be go Modimo wa rena neng le neng. Amene.*

*Gomme yo mongwe wa bagolo...*

<sup>136</sup> Bjale o pele ga bagolo mo. Bjalo ka ge, re mmone, gohle go kgabola Mahuto.

*Gomme yo mongwe wa bagolo a araba, a re go nna, Ke bomang ba...*

<sup>137</sup> Bjale, Johane, go beng Mojuda, o lemogile batho ba gabon mong. O ba bone ka sebopego sa meloko. A yeo ke nnete? O lemogile le go bitša wo mongwe le wo mongwe wa meloko.

<sup>138</sup> Eupša bjale, ge a bona ba, o mohuta wa go gakanega. Gomme mogolo o a e tseba, kafao o re:

*...Ke bomang ba ba aperego dikobo ba ditšhweu?  
gomme ba tšwa kae?*

<sup>139</sup> Johane, a araba bjale:

*Gomme ke rile go yena, Mohlomphegi, wena o a tseba.*

<sup>140</sup> Johane ga se a ba tseba, le a bona; merafe yohle, maleme, le setšhaba.

*...Gomme o rile go nna, Ba ke— o rile go nna, Ba ke bona ba ba tšwago tlaišegong ye kgolo, (mantšu a mangwe, Tlaišego ye kgolo), gomme ba hlatsvitše diaparo tša bona, ...ba di dirile tše tšhweu ka mading a Kwana.*

*Kagona ba pele ga terone ya Modimo, le go mo hlankela mosegare le bošego ka tempeleng ya gagwe: gomme bona...yo a dutšego godimo ga terone o tla dula magareng ga bona.*

*Ba ka se sa swarwa ke tlala, ga e šita ba ka se sa nyorua; ešita le seetša sa letšatši se ka se bonege godimo ga bona—seetša sa letšatši godimo ga bona, goba phišo e ka ba efe.*

*Gobane Kwana ye e lego bogareng bja terone e tla ba fepa, gomme e tla ba iša ka methopong ya go phela ya meetse: gomme Modimo o tla phumola...meokgo yohle go tloga mahlong a bona.*

<sup>141</sup> Bjale re bula...go fihla go Lehuto.

A le hlokometše, ba be ba...Sa pele, re a thoma bjale, Israele.

<sup>142</sup> Gomme ka gona re bona kereke ye e hlatsvitšwego, e sego Monyalwa; kereke ye e hlatsvitšwego, ka Tlaišego, le a bona, le a bona, go tla godimo mo, palo ye kgolo ya dipelo tša tlhokofalo ka kgonthe yeo e tšwelelago go tšwa go—go Tlaišego ye kgolo. E sego Kereke; E ile pele, Monyalwa. Fao go kereke.

<sup>143</sup> Bjale re hwetša, godimo gannyane moragwana, Jesu o boletše gore Terone e tla bewa, le ka fao...ba tla ema kahlolong, yo mongwe le yo mongwe wa bona.

<sup>144</sup> Bjale, re a hwetša bjale gore batho ba ba swailwe ka Leswao la Modimo yo a phelago (a ke nnete?), Bajuda ba. Leswao la Modimo yo a phelago ke eng?

<sup>145</sup> Bjale, ga ke bitše e ka ba mang, go gobatša maikutlo e ka ba afe. Ke no re, le a bona. A le a tseba, gore, go baleng ka morago ga ba bantši ba dirutegi ba ba ngwalago ka se, ba tleleima gore sehlopha se mo, sa go hlatswiha ka madi, gabotse ke Monyalwa?

<sup>146</sup> A le be le tseba gore dirutegi tše ntši gape di tleleima gore dikete tše lekgolo masomenne nne ke Monyalwa? A... Go na le se sengwe se swanetše go lekanelia ntle mo, phošo... ka mo thwi, gobane go na le se sengwe sa phošo bjale.

<sup>147</sup> Hlokamelang, baena ba rena ba Adventist ba bolela, gore, "Leswao la Modimo, ke go boloka letšatši la sabatha." Le tseba seo. Eupša ke nyaka thorwana e tee ya Lengwalo go yona, go bontšha sabatha yela, goba go boloka letšatši la sabatha, ke Leswao la Modimo. Le a bona? E no ba yo mongwe o thadile kgopoloo yeo.

<sup>148</sup> Eupša ge le ka bala Baefeso 4:30, e re, "Le se ke la nyamiša Moya wo Mokgethwa wa Modimo, wo le tswaleletšwego ka wona go fihla letšatši le...la topollo ya lena," ee, mohlomphegi, ge mošomo wa boboelanyi o dirilwe, gomme wena o tlide; Kriste o tla go lopolla ba Gagwe Mong. O tswaleletšwe; e sego go fihla tsošeletšo ye e latelago. Ge gatee o swailwe ka Moya wo Mokgethwa, ke mošomo wo o fedilego, gore Modimo o go amogetše, gomme ga go ne go tloga go yona.

<sup>149</sup> O re, "Gabotse, ke bile le Ona, gomme ke ile kgole." Aowa, ga—ga se o be le Ona.

<sup>150</sup> Modimo o rile O ya pele go Letšatši la Topollo. Bjale, uh-huh, le no phegišana le Yena, gomme le bona se e se rago. "Go fihla Letšatši la Topollo ya lena."

<sup>151</sup> Hlokamelang. Bjalo ka ge go bile...Bjalo ka ge ba be ba le mašalela go ya ka kgetho, Bajuda ba bjale ke mašalela go ya ka kgetho. Ka matšatšing a bodiredi bja mathomo bja Eliya go Bajuda, moo badumedi ba dikete tše šupa ba bego ba bolokilwe ke seatla sa Modimo, bjale go na le ka go nako ye ya mašalela, e tlago go nako ya bona, go ba dikete tše lekgolo le masomenne nne go ya ka kgetho. Gore, Molaetša ka nako yeo, go dumela Molaetša, e ba dikete tše lekgolo le masomenne nne.

<sup>152</sup> Bjale, o re, "Oo, bjale motsotso feela, ngwanešu, Ga ke tsebe ka se sa 'kgetho' selo. Gabotse, ga se nke ka e bala fale."

<sup>153</sup> Go lokile, bjale a re boneng ge eba ke nnete, goba aowa. A re phetleng morago go Mateo, gomme re ye tlase mo le go hwetša ge eba ga re kgone go hwetša se sengwe se sennyane godimo ga se felotsoko. Ke a dumela bjale gore ke a rereša. Ga ke na le yona e ngwadilwe fase mo, eupša e no tla mogopolong wa ka. A re tšeeng, mafelelong, temana ya 30; moo re ilego bošegong bja go

feta, bofelo bja Lehuto la Boselela, go temana ya 30. Bjale a re baleng yeo gomme re bone bjale moo re yago, temana ya 31. Le a bona? “Ba tla bona Morwa wa motho a etla ka letago.” Bjale temana ya 31.

*Gomme o tla romela barongwa ba gagwe ka segalo  
se segolo sa phalafala, gomme ba tla kgobela mmogo  
bakgethiwa ba gagwe go tšwa diphefong tše nne, go  
tloga bofelong bjo botee bja legodimo go ya go bjo  
bongwe.*

<sup>154</sup> Ba ba “kgethilwego” ba tla tšwela ntle. Ke eng? Gomme sekgao sa Tlaíšego. Modimo o tla bitsa bakgethiwa ba Gagwe, gomme bao ke Bajuda lebakeng la nako yeo, bakgethiwa. Beibele e bolela ka yona. Paulo o bolela ka yona, “Go ya ka kgetho.” Go tla ba dikete tše lekgolo le masomenne nne go ya ka kgetho, bao ba tla dumelago Molaetša, go tšwa go dimilione tše ka kgonthé di tla bago fao.

<sup>155</sup> Go be go le dimilione ka Palestina, mo matšatšing a seprofeto sa Eliya, gomme dikete tše šupago di pholosítšwe go tšwa go dimilione.

<sup>156</sup> Bjale, “go ya ka kgetho.” Moo, dimilione tša Bajuda di kgobokanago ka nagalegaeng. E bile setšhaba. Go tla ba dimilione ka fale, eupša feela ba dikete tše lekgolo le masomenne nne “bahlaolwa” ba tla tšewa. Ba tla kwa Molaetša.

<sup>157</sup> Selo sa go swana se lego ka go Kereke ya Bantle. Monyalwa šole, gomme O kgethilwe. “Gomme o tla bitšwa go ya ka kgetho.” Hlokomelang, se sohle se kaya Kereke, ka phethagalo, badumedi ba ba kgethilwego.

<sup>158</sup> Ba bangwe ga ba dumele. O ka no e bolela. O botša motho Therešo, le go e dira e netefatšwe ka Lentšu, gomme ka gona e hlatsetšwe; o re, “Ga ke E dumele.” O ka no . . .

<sup>159</sup> Se hlwe o tlaetšana le yona gape. Jesu o rile o se ke. O rile, “Go no swana le go lahlela dipheta pele ga dikolobe.” Le a bona? O rile, “E no ba tlogela ba nnoši. Ba tla retologa gomme ba go gatakela ka tlase ga maoto a bona. Ba tla dira metlae ka wena. Nno sepela gomme o ba tlogele. ‘Ge sefov se hlahla sefov . . .’”

<sup>160</sup> Ke ile go monna, e sego kgale kudu, goba, o tlide go nna, a ke re. O be a ngangišana, gohle go dikologa, mogohle, kgahlanong le phodišo Kgethwia. Gomme o tlide godimo, gomme a re, “Ga ke dumele phodišo Kgethwia ya gago.”

<sup>161</sup> Ke rile, “Ya ka, ke a thanka, e ka se be botse bjo bo itšego, gobane ga ke ne ye e itšego.” Gomme o . . . ke rile, “Eupša ya Modimo o phethagetše.”

O rile, “Ga go selo se sebjalo.”

<sup>162</sup> Ke rile, “O thari kudu go bolela seo, mokgotsi. Ya, o šetše—o letile botelele kudu bakeng sa seo. O ka no ba o ngangile, mengwaga e se mekae ya go feta, eupša go na le lebaka le lengwe

godimo bjale. Go na le dimilione tša go paka, o a bona.” Ke rile, “O—o thari kudu bjale, moisa, go bolela seo.”

<sup>163</sup> O rile, o rile, “Gabotse, ga ke e dumele; ga ke kgathale se o se dirago.”

Ke rile, “Ka kgonthe aowa. O ka se kgone.” Le a bona?

<sup>164</sup> O rile, “Mphoufatše!” O rile, “Ge ka kgonthe o na le Moya wo Mokgethwa, boka Paulo,” o rile, “mphoufatše.”

<sup>165</sup> Ke rile, “Nka kgona go e dira bjang ge o šetše o foufetše?” Ke rile, “Tatago o go foufaditše go Thereso.” Ke rile, “Wena, o šetše o foufetše.”

<sup>166</sup> Gomme o rile, “Nka se dumele; ga ke kgathale se o ka go se dira, ke bohlatse bjo bontši gakaakang o ka go netefatša, goba e ka ba eng boka seo. Le bjale ga ke e dumele.”

<sup>167</sup> Ke rile, “Ka kgonthe. E be e se bakeng sa basedumele. E be e le feela bakeng sa badumedi. Yeo ke yona.” Le a bona?

<sup>168</sup> E be e le eng? Le a bona, le a tseba thwi nako yeo, kgetho e fedile. Feel a le se ke la tsekella le yona, le gatee. Jesu o dirile selo sa go swana, O rile, “Ba tlogeleng ba nnoši. Ge sefofu se hlahla sefofu, a bobedi ba ka se wele ka moleteng?”

<sup>169</sup> Eupša ge A etla go mmalegogwana yo monnyane, [Ngwanešu Branham o thwantšha monwana wa gagwe gatee—Mor.] e gotteditše mollo! E be e le eng? E be e le peu ye e kgethilwego e robetše kua, le a bona, yeo e Le bonego thwi bjale. Ge O etla go Petro, fao go be go le peu ye e kgethilwego e robetše fao, le a bona, gomme ba Le bone. “Gomme bohole Tate a ba filego, ba” (lebaka le lefetilego) “Mphilego bona, ba tla tla. Ba tla tla go Nna.” Oo, nna! Ke rata seo! Ee, mohlomphegi. Hlokamelang, badumedi ba a Le dumela.

<sup>170</sup> Basedumele ga ba kgone go Le dumela. Kafao, bjale, ge e ka ba mang a nyaka go phegišana ka peu ya sephente le dilo, gomme o leka go ba bontšha, ba ka se Le theetše; nno sepela. Nno ba tlogela ba nnoši. Le a bona, Modimo ga a ngange, ešita le bana ba Gagwe ga ba dire.

<sup>171</sup> Hlokamelang, Bajuda ba Modimo ba ba kgethilwego ba dikete tše lekgolo masomenne nne ga ba khunamele sebata, bokerekeleina ya gagwe, goba dihlwadieme, goba e ka ba eng, le ge setšhaba sa bona se le ka go kgwerano le sona ka nako yeo. Israele e ka go kgwerano, eupša šedi dikete tše lekgolo masomenne nne tše di sa yego go e dira. Bao ke bakgethiwa.

<sup>172</sup> Selo sa go swana se thwi fa ka go Kereke ya Bantle bjale, ke sehlopha se se kgethilwego. O ka se kgone go di goga ka mohuta woo wa dilo. Ba ka se e dumele. Aowa, mohlomphegi. Ge Seetša se kile sa ba ratha, seo se a e rum a thwi nako yeo. Ba bona... ba e bona e direga, morago ba e bona e hlatseditše le go netefatšwa ka mokgwa woo. Gomme ba lebelela tlase fa ka Beibeleng, go bona Lentšu lela le no ya. Gabotse, le wena o no—o no swanelia

go tlogela go tsekella le bona, gobane ba a Le dumela. Seo ke phetho. Seo ke phetho. Le ge ba sa kgone go Le hlatholla, eupša ba a tseba gore ba na le Lona. Kafao, bjalo ka ge ke bolela, go na le dilo tše dintši nka se di hlalošego, eupša ke—ke a tseba ke kgonthe go le bjalo. Uh-huh. Go lokile.

<sup>173</sup> Nako ye e bile gare ga la Lehuto la Boselela le la Bošupa, gore O bitša batho ba, e boletšwe ke Jesu ka go Mateo tema ya 24 le temana ya 31, yeo re sa tšwago go e bala, le a bona. Diphalafala mo, dihlatse tše pedi tša . . . Ge phalafala e galagala, ke phalafala ya dihlatse tše pedi tša lebakla mogau go Bajuda. Phalafala e tee e a galagala, le a hlokomela, phalafala e tee e a galagala. O rile O tla galagatša phalafala. Bjale hlokamelang godimo mo, ya 31.

*Gomme o tla romela barongwa ba gagwe pele (e sego yo motee, le a bona; go ne ba babedi ba bona) ka segalo se segolo sa phalafala, . . .*

<sup>174</sup> Ke eng? Ge Modimo a lokela go bolela, fao go go galagala ga phalafala. Yeo ka mehla ke Segalontšu sa Gagwe. E biletša go ya go ntwa, le a bona. Modimo o a bolela. Barongwa ba ba tla pele ka go galagatšwa ga phalafala.

<sup>175</sup> Gomme a le hlokometše, go Molaetša wa morongwa wa mafelelo, phalafala e a galagala. Molaetša wa morongwa wa pele, segalo sa phalafala; wa bobedi wa morongwa, phalafala e galagetse, ge A o rometše ntle. Hlokamelang, eupša ge Mahuto a tsebišitšwe, bohole ba be ba le ka go se tee se segolo, selo se Sekgethwa, go biletša ntle sehlopha sa batho; go be go le segalo se tee sa phalafala, gomme Mahuto a Šupago a ile a kgaolwa.

<sup>176</sup> Hlokamelang, “Go kgobelba Bajuda ba Gagwe ba ba kgethilwego go tšwa dikarolong tše nne tša magodimo.”

<sup>177</sup> O boletše Mahuto a tshela, bjalo ka ge re bone, eupša e sego Lehuto la Bošupa. Ga se a ke a bolela selo ka mo ka Lehuto la Bošupa, ga go felo.

<sup>178</sup> Le a bona, gonabjale, temana ya 32, o retologela go diswantšho, tša nako ya pitšo ya Bajuda ba ba kgethilwego. Bjale šetšang fa, le a bona.

<sup>179</sup> “Gomme O tla romela barongwa ka phalafala, le go kgobokanya Bakgethiwa go tloga dikhutlong tše nne tša legodimo.” Bjale O thoma . . .

<sup>180</sup> Le a bona, ga A bolele selo ka Lehuto la Bošupa mo. Le a bona? O boletše ka Lehuto la Boselela; la Pele, la Bobedi, la Boraro, la Bone, la Bohlano, le la Boselela.

<sup>181</sup> Eupša hlokamelang:

*Bjale ithuteng seswantšho sa mohlare wa mogo; Ge makala a ona a sa le boleta, gomme o hloga matlakala, le a tseba gore selemo se kgauswi:*

*Kafao ka go swana lena, ge le tla bona dilo tše tšohle,  
tsebang gore di kgauswi, ebile mo mojako.*

<sup>182</sup> Yela ya mafelelo, potšišo yeo ba Mmotšišitšego, “Gomme leswao la bofelo bja lefase e tla ba eng?”

<sup>183</sup> “Ge le bona Bajuda ba . . . Ge le bona dilo tše dingwe tše di direga, le tseba se se diregago. Bjale, ge le bona Bajuda ba . . .” A bolela le Bajuda! Bjale šetšang. Ke khamphani efe A bolelago le yona, Bantle? Bajuda! Bajuda! Le a bona?

<sup>184</sup> Bjale O rile, “Le tla hloiwā ke ditšhaba tšohle bakeng sa Leina la Ka,” le go ya pele, boka.

<sup>185</sup> Bjale, “Ge,” O rile, “le bona Bajuda ba ba thoma go khukhuša mošola,” ge Israele yela e thoma go boela morago, go tsena ka nageng ya yona. Ge a fihla kua, (Kereke e loketše Thatlogo), go ne feela mengwaga ye meraro le seripa e šetšego go fihla bofelong bja lefase la kgale, gomme o ya ntle ka tlhakahlakanong, gomme ka gare go tla Mileniamo, go le leswa—le leswa lefase. O rile, “Ebile mo lebateng!” Bjale, mengwaga ye sekete se tee mo lefaseng e no ba letšatši le tee le Modimo. Gomme mengwaga ye meraro le seripa, e tla ya go eng? Metsotsvana ye mentši kudu, mo nakong ya Modimo. Ke ka baka leo A rilego, “Ke mojako.”

*Ruri Ke re go lena, gore, Moloko wo o ka se jewe, wa fedišwa, batho ba, go fihla dilo tše tšohle di le . . .*

<sup>186</sup> Eng, ke eng e ka se fetego? Ba lekile go bolaya Mojuda, go tloga lefaseng, nako yohle. Ba ka se tsoge ba kgonne go e dira.

<sup>187</sup> Eupša hlokamelang. Wona moloko wa Bajuda woo o bonego go bowa, morago ka Palestina, moloko wola o tla bona dilo tše di direga. Gomme feela mengwaga ye mebedi ya go feta, o be a fetogile setšhaba ka bottalo, le tšelete ya gagwe mong le e ka ba eng. Yena šole.

<sup>188</sup> Bjale re mo kae, mogwera? Mahuto le se sengwe le se sengwe di bulegile; bjale re hwetša se magareng ga fa. Šeo yona. Le bona moo re dutšego?

<sup>189</sup> Ke a holofela le a Le hwetša. Ga ke ne thuto. Ke tseba se ke bolelago ka sona, eupša mohlomongwe nka se kgone go Le hlaloša—hlaloša, go dira kgopolo go lena. Eupša ke a holofela gore Modimo o tsea Mantšu ao a hlakahlakanego, le go a arogany gabotse, le a bona, le go le dira le tsebe se Le lego. Ka gore, ke, re mo mojako. Re mo ka nako yeo. Bjale hlokamelang.

<sup>190</sup> Le a bona, gonabjale, O retologela go Bajuda ba, gomme mo na—na nakong ya bofelo. O bolela se se yago go direga. Re a tseba ebile le gore bjale . . . Re a tseba, re lemoga gabotse, gore ditšhaba di šwalalane. Ba bile, lebaka la mengwaga ye makgolo a masomepeditlhano. Ba profetilwe go šwalalanywa go diphefo tše nne. A le be le tseba seo? Re tseba seo.

<sup>191</sup> Nnete, re ka se swanele go ya morago le go hwetša, go topa yeo, gobane ke ne se sengwe fa se bohlokwa ka kgonthe ke nyakago le se bona, pele o lapa kudu, gomme ke a onala.

<sup>192</sup> Hlokamelang. Re a tseba, ebile moloko wo mongwe le wo mongwe, yeo e lego tatelano ya leloko, goba e ka ba eng le nyakago go e bitša, goba lešika, goba maemo a moloko, ga e sa le mmogo. E phatlaletše, mogohle.

<sup>193</sup> Bajuda, ba kgobokana ka Jerusalema, ga se... Ebile ga ba tsebe meloko ya bona. Ga ba sa ne difolaga tša moloko goba e ka be eng. Sohle ba se tsebago, nako ye gore ke bona Bajuda. Ba profetilwe go ba ka tsela yeo, lefaseng tšekelele. Bjale, dipuku tša bona di sentšwe. Ga ba tsebe.

O re, “Ke moloko ofe o tšwago go wona?”

“Ga ke tsebe.”

“Moloko ofe?”

“Ga ke tsebe.”

<sup>194</sup> Yo motee go tšwa go Benyamini, yo motee go tšwa go *wō*, gomme yo motee go tšwa go *wola*. Ga ba tsebe mo ba tšwago. Dipuku tša bona di sentšwe, go kgabola dintwa, le lebaka la mengwaga ye makgolo a masomepeditlhano. Selo se nnoši ba se tsebago, ke bona Bajuda. Yeo ke phetho. Kafao, ba a tseba ba morago ka go nagalegae ya bona. Bona efela... Hlokamelang, le ge ba sa tsebe meloko ya bona, eupša Modimo o a dira.

<sup>195</sup> Ke no rata seo! Le a tseba, ebile O rile go na le... “Moriri wo mongwe le wo mongwe godimo ga hlogo ya gago o badilwe.” Hmm! Hlokamelang, ga A lahlegelwe ke selo. “Ke tla e tsoša gape mo letšatšing la mafelelo.”

<sup>196</sup> Le ge ba lobile tša bona—tša bona—tša bona difolaga tša bosetšhaba, le se yo motee a lego, le ge eba ke bona *se goba selā*; ga ba tsebe ge eba ba tšwa go Benyamini, goba ge eba ba tšwa go Rubene, goba—goba Isašara, goba moo ba tšwago gona. Eupša, go le bjalo, Modimo o ba bitša fa.

<sup>197</sup> Bjale hlokamelang, ka go Kutollo 7, re bala se. “Dikete tše lesomepedi” ba moloko wo mongwe le wo mongwe, ba bakgethiwa, go tšwa go yona yohle. Go na le dikete tše lesomepedi go tšwa go moloko wo mongwe le wo mongwe, bao ba hlaotšwego, gomme ba beilwe thwi fa ka lenaneo. Oo, nna! Ke bona eng? Ba ka lenaneong la bosetšhaba. Efela, ga ba bjalo bjale, eupša ba tla ba. Ba ko go lenaneo la seloko. Lenaneo la seloko le tla ba eng? E sego Mojuda wa mehleng, aowa. Eupša ba batee bao ba kgethilwego, dikete tše lekgolo masomenne nne, ba tla bewa ka lenaneo la seloko. Oo, nna!

<sup>198</sup> Ke rata bjang go le laetša! Re ka se ye ka go yona. Eupša seo ke tlwa se Kereke e swanetšego go ba, uh-huh, thwi ka lenaneo.

<sup>199</sup> Bjale ke nyaka le hlokomele sekgauswi ka nnete gomme le bale le nna, motsotso. Bjale sese se sengwe seo mohlomongwe le sa nkago la se lemoga ka go pi—pi pišto ya seloko. Ke le boditše, nakwana ya go feta, go bala Kutollo 7. Balang le nna, gomme šetšang meloko yela. Ka go Kutollo 7, Dani le Efuraimi ga ba gona gomme ga ba balwe le bona. A le lemogile seo? Josefa le Lefi ba be ba beilwe legatong la bona. A le lemogile seo? Dani le Efuraimi ga ba gona. Aowa, mohlomphegi. Eupša, Josefa le Lefi ba be ba dirilwe kemedi ka lefelong la—la—la Dani le Efuraimi.

<sup>200</sup> Gobaneng? Bona . . . Modimo wa go gopola ka mehla o elelwa tshepišo ye nngwe le ye nngwe ya Lentšu la Gagwe. Oo, ke tla rata go rera ka seo. Le a bona? Modimo ga a lebale selo, le ge se lebega bjalo.

<sup>201</sup> Boka A boditše Moshe. Israele e be e le tlase kua, “mengwaga ye makgolonne.” Eupša ba ile ba swanelo go ya godimo nako yeo. O boditše Abraham, “Gomme peu ya gagwe e tla be e diiletše ka nageng ye šele lebaka la mengwaga ye makgolonne, gona O tla ba ntšhetša ntle ka seatla se maatla.” Eupša nako yeo O rile go Moshe, “Ke gopotše tshepišo ya Ka, gomme Ke tlide tlase go dira botse bjo Ke bo boletšego.”

<sup>202</sup> Modimo ga a lebale. Yena ga a lebale dithogako tša Gagwe, ešita Yena ga a lebale ditšhegofatšo tša Gagwe. Eupša, tshepišo ye nngwe le ye nngwe yeo A e dirilego, O dula le yona.

<sup>203</sup> Lebaka šele ba bego ba se gona, bjale, hlokomelang. Bjale balang. Ke nyaka gore le bale le nna bjale. Eyang godimo go Doiteronomio, masomepedi- . . . ka go temana ya 29 fale, goba tema ya 29, a ke re. Go na le lebaka bakeng sa meloko ye e sego gona. Se sengwe le se sengwe se na le lebaka la sona. Doiteronomio, re nyaka go tšea te—te tema ya 29 ya Doiteronomio. Bjale, Morena a re thuše bjalo, gore re kgone go kwešiša bjale. Bjale re nyaka go thoma ka go Doiteronomio, tema ya 29, go temana ya 16. Bjale theetšang. Moshe o a bolela.

*(Ka gore le tseba ka fao re dutšego ka nageng ya Egepeta; le ka fao re tlidego go kgabola ditšhaba tše re fetilego kgauswi ga tšona;*

*Gomme le bone ma makgapa, le medingwana ya bona ya maitirelo, kota . . . letlapa, silibere . . . gauta, ye e bego e le magareng ga bona:)*

<sup>204</sup> Yo mongwe le yo mongwe o rwele se sengwe se sennyane goba se sengwe, sehlwaseeme se sennyane sa Mokgethwa Cecilia. Le a tseba, se sengwe boka seo, le a bona. “Ntle le ge kagona . . .” Theetšang.

*Gore go se be magareng ga lena mo monna, . . . mosadi, goba la lapa, goba mo moloko, yo pelo ya gagwe e hlanogelago MORENA Modimo wa rena letšatši le, go ya le go hlankela badimo ba ditšhaba tše; gore go se be*

*magareng ga lena modu wo o medišago sabohloko le kgalako;*

*Gomme gwa tla go phethega, ge a ekwa mantšu a thogako ye, gore o—gore o itshegofatša yenamong ka pelong ya gagwe, le go re, ke...ne khutšo, le ge nka sepela ka go dikelello tša pelo ya ka mong,...*

<sup>205</sup> Le a bona, batho ba re, “Oo, o a itšhegofatša yenamong.” Le a tseba, go dira sefapano se sennyane goba selo se sengwe, go swana le ge ba dira bjale, le a bona; selo sa go swana, le a bona. gomme le a bona ke mokgwa wa bahetene, le a bona, ke go swana le mohetene.

*...o itšhegofatša ka boyena ka pelong ya gagwe mong, ...kelello ya gagwe mong ka monaganong wa gagwe mong, go oketša botagwa go lenyora:*

<sup>206</sup> “E no nwa, seo ga se dire phapano ye e itšego; ge feela o eya kerekeng, o lokile.”

Gona *MORENA a ka se mo šokele, eupša gona kgalefo ya MORENA...lehufa la gagwe le tla thunya muši kgahlanong le monna yola, le ka dithogako tšohle tše di ngwadilwego ka pukung ye* (“O se ke wa tše Lentšu le tee go tšwa go Yona, goba go oketša le tee go Yona,” le a bona.) *di tla hutama godimo ga gagwe, gomme MORENA o tla phumola la gagwe...go phumola leina la gagwe go tloga ka tlase ga legodimo.*

<sup>207</sup> Ke ge a sa le mo lefaseng, le a bona, “ka tlase ga legodimo.”

*Gomme MORENA o tla arogana go yena bobe go tšwa go meloko yohle ya Israele, go ya ka thogako yohle ya kgwerano ye e ngwadilwego ka pukung ye ya molao:*

<sup>208</sup> Kagona, “Ge motho e ka ba ofe a ka hlankela modingwana wa maitirelo, goba go boloka modingwana wa maitirelo go yena, goba go itšhegofatša yenamong ka go dikelello tša gagwe mong tša monagano wa gagwe, le go hlankela medingwana ya maitirelo,” Modimo o rile, “monna, mosadi, lapa, goba moloko, leina la gagwe le tla phumolwa go felela, go tloga makgatheng ga batho.” Bjale, a yeo ke nnete? A therešo bjang!

<sup>209</sup> Bodiredi bja medimo ya maitirelo bo dirile selo se se swanago ka kerekeng, mengwaga ya go feta, gomme bo a dira lehono. Gomme ke a hlokomela....Setšang ka fao molwalekriste a lekilego go dira molwa le mosepelo. Ke ba bakae ba tsebago gore diabolo o swantšha le go ekiša ka morago—ka morago ga bakgethwa ba Modimo?

<sup>210</sup> Sebe ke eng—sebe ke eng? Ke selo sa maleba se fapošitšwe. Maaka ke eng? Ke therešo ga se ya bewa gabotse. Bootswa ke eng? Ke tiro ya maleba, tiro ya semolao, e dirilwe phošo. Le a bona?

<sup>211</sup> Bjale, go lekeng go dira se, “go phumola leina,” a le lemogile ka go lebaka la kereke, sebata sa go swana seo se hlankelago

diswantšho tša batho ba ba hwilego, le go ya pele, se lekile go phumola Leina la Morena Jesu Kriste, le go fa dithaetlele bjalo ka Tate, Morwa, le Moya wo Mokgethwa. Selo sa go swana, ka thogako yela ka morago ga yona, ka mokgwa wola.

<sup>212</sup> Dani le Efuraimi ba dirile feelsa seo, ka tlase ga boikaketši bja kgoši ka Israele, moitiriši, Jerobeama. Bjale, hlokamelang, ka go Dikgoši tša Pele tema ya 12. Ke a tseba re... Se, go nna, se—se—bea bokamorago bja se re ka ithekgago ka sona, se re se bonago. Dikgoši tša Pele, ke nyaka go ya go tema ya 12, temana ya 25 go ya go temana ya 30.

*Morago Jerobeama... Sikeme ka go thaba ya Efuraimi, gomme o dutše fale; gomme o ile ntle ka go... le go aga Penuele.*

*Gomme bjale Jerobeama o rile go...ka—ka pelong ya gagwe, (le a bona, kakanyo ya pelo ya gagwe), Bjale mmušo o tla retologela go ngwako wa Dafida:*

<sup>213</sup> O be a tšhoga, le a bona, gobane batho ba ka no ya ntle.

*Ge batho ba ba eya godimo go... dira sehlabelo ka ntlong ya MORENA ka Jerusalema, gona pelo ya batho ba e tla retollelwa gape go mo morena, ebile le go Rehobeama kgoši ya Juda, gomme ba tla mpolaya, le go ya...ka go Rehobeama—Rehobeama kgoši ya Juda.*

*Kagona kgoši o tšere keletšo, gomme a dira dinamane tše pedi tša gauta, gomme o rile go bona, Ke bontši kudu go lena go ya godimo Jerusalema: bona badimo ba gago, O Israele, ba ba go tlišitsego...ka ntle ga naga ya Egepeta.*

*Gomme o beile yo motee ka Bethele, gomme yo mongwe a mmea ka Dani.*

*Gomme selo se se ba sebe: ka gore batho ba ile go rapela pele ga yo motee, ebile le go Dani.*

<sup>214</sup> Le a bona, Efuraimi ka Bethele, le Dani, gomme ba beile medingwana ya maitirelo. Gomme ba ba ile ntle go rapela yo.

<sup>215</sup> Gomme ke rena ba, thwi tlase ka go lebaka la Mileniamo, go nyakile, gomme Modimo o sa elelwa sebe sela. Ebile ga ba balelwe ka kua. Hei! Letago! Feela ka kgontha bjalo ka ge A gopol tshepišo ye nngwe le ye nngwe ye botse, O gopol bobo bjo bongwe le bjo bongwe, gape. E no elelwang, ge...

<sup>216</sup> Ke ka baka leo ke dumelago, bagwera, ka mehla ke lekile go dula le Lentšu lela, ga go kgathale gore Le bonala le se la tlwaelega bjang.

<sup>217</sup> Le a bona, bjale, ba be ba ka se nagane ka seo fao nako yeo. Ba be ba sa nagane ka sona nako yeo. Ba naganne, “Gabotse, ba phonyokgile ka yona.” Go lokile.

<sup>218</sup> Eupša šeba godimo fa ka go lebaka le la Mileniamo le tliego, ge maina a bona le meloko e “phumolwa” go tloga go yona, gobane ba hlanketše medingwana ya maitirelo, gore Modimo o rogakile.

<sup>219</sup> A ga se A re O “hloile” Banikolaite le Isebele yola? Tlogang go yona. A ga se A re O tla bolaya barwedi ba Isebele ka polao ya “lehu,” e lego karogano ya Gosafelego go tloga Bogoneng bja Gagwe? Le se ke la tshepa go yona, le gatee. Tlogang go yona. Kafao, Modimo o a elelwa. Hlokamelang.

<sup>220</sup> Eupša a le hlokometše fao, le be e swanetše go “phumolwa”? Gobaneng? Ka tlase ga Legodimo go be go se Sehlabelo sa ka pejana seo se bego se ka kgonia go mo fa Moya wo Mokgethwa, go mo dira a bone dilo tše. Eupša o e dirile, go le bjalo, ka monaganong wa gagwe mong wa bojato.

<sup>221</sup> Eupša, Hesekiele, ka ponong ya gagwe, ka go Mileniamo, o ba bona gape ka lenaneo le le phethagetše. Hesekiele, ge o be o nyaka go e bala. E no e bea fase, gomme o ka kgonia go e bala, go boloka nako. Hesekiele 48:1 go ya go 7, gape balang 23 go fihla go 29. Hesekiele o bone moloko wo mongwe le wo mongwe feela tlwa ka lenaneo. Go lokile.

<sup>222</sup> Gomme, gape, ka go Kutollo 14, Johane o ba bone gape ka lenaneo la meloko, yeo ke nnene, moloko wo mongwe le wo mongwe go lefelo la gagwe. Go diregile eng?

<sup>223</sup> Le a elelwa, O rile, “Ka tlase ga magodimo, gore leina la gagwe le tla phumolwa go tšwa go taba ya moloko.” Ge feela a be a le ka tlase ga magodimo, go be go ka se sa ba. Gomme ba dikete tše lekgolo le masomenne nne ba tlase fa ka go karolo ya moloko, efela. Nnete. Eupša, le a bona, ba be ba foufaditšwe. Ba bile feela le dihlabelo tša dipoo le dipudi. Le a bona? Bjale hlokamelang, O ba phumotše, “ka tlase ga legodimo.”

<sup>224</sup> Eupša Montle, ka matšatšing a Moya wo Mokgethwa, kgahlanong le Woo; leina la gago le tlošitšwe ka go felelela Pukung ya Bophelo, “gomme o ka se tsoge wa lebalelwaa, ka go lefase le goba lefase le le tlago.” Ke nnene? Kafao ke moo re emago.

<sup>225</sup> Israele, ka tlase ga dipudi, dinku, ba—ba bile le lefelo. Ge feela ba be ba le lefaseng fa, meloko ya bona e be e hlaela. Ba ka se tsoge ba kgonia go akaretšwa. Bjale, bohole... Ge A ba biditše, godimo kua, dikete tše lekgolo masomenne nne, ba be ba se gona. Yeo ke nnene. Ebile ga ba balw ka fale. Gomme Josefa le Lefi ba beilwe mo lefelong la Dani le Efuraiimi. Bjale le ka kgonia go lebelela seo. Thwi fao se gona, pele ga lena, le a bona. Gomme tshepišo ya Modimo še, morago kua, makgolo le makgolo a mengwaga pele ga fao.

<sup>226</sup> Bjale, go diregile eng? Ba be ba hlatswitšwe mo nakong ya sekgalisa sa Tlaišego ye šoro.

<sup>227</sup> Bjale, ge Modimo a eya go hlwekiša kgarebe yela—yela, yoo e be e le mosadi wa go loka, eupša o ile a no šitwa go hwetša oli ka leboneng la gagwe, gomme O ya go mo hlwekiša go kgabola tlhomaro ka fale. O bea yona meloko thwi ka fale, bakeng sa selo sa go swana, le go ba hlwekiša lebakeng la nako ya sekgao sa Tlaišego. Gobane, ke tlhwe—tlhwe tlhwekišo. Ke kahlolo. Eupša, le a bona, bona, morago... Gomme, lebelelang fa, fa go tla godimo dikete tše lekgolo masomenne nne, ka morago ga tlhwekišo ya Israele. Gomme mo go tla godimo gape kgarebe ye e robetšego, e tla godimo, e hlwekišitšwa, gomme e apare dikobo tše tshweu. Le a bona? E phethagetše bjang! Seo ke se sebotse bjang!

<sup>228</sup> Go no swana le Jakobo, ka nako ya bothata, le a bona. Ba... Jakobo, ka nakong ya bothata. O be a dirile phošo. Eupša o ile go kgabola nako ya tlhwekišo gobane o be a fošeditše ngwanabō, Esau. Le a bona? O forile, go hwetša tokelo ya gagwe ya tswalo. Eupša o ile go kgabola tlhwekišo pele a ka ba le leina la gagwe le fetotšwe go tloga go Jakobo go ya go Israele, e lego sekai sa tshepedišo ya Modimo, e kailwe lehono.

<sup>229</sup> Bjale, re tla phetla bjale go temana ya 8 ya, goba, temana ya 1, ke ra gore, ya tema ya 8; ya Kutollo 8:1.

<sup>230</sup> Ke a tseba le lapile. Eupša, bjale, e nong go leka go theetša feela metsotso e se mekae bjale. Gomme, Modimo wa Legodimo re thuše, ke thapelo ya ka.

<sup>231</sup> Re swanetše go elelwā gore Lehuto le la Bošupa ke bofelo bja nako, bja dilo tšohle. Yeo ke nnete. Dilo tše di ngwadilwego ka go Puku ya Mahuto a Šupago, di tswaleletšwe, tša polane ya topollo go tloga pele ga motheo wa lefase, e fetša nthatana ye nngwe le ye nngwe. Ke bofelo; ke bofelo bja lefase le le katanago. Ke mafelelo a tlhago ye e katanego. Ke bofelo bja se sengwe le se sengwe. Ka kua, ke bofelo bja Diphalafala. Ke bofelo bja Meruswi. Ke bofelo bja lefase. Ke bo... Ebile ke bofelo bja nako.

<sup>232</sup> Nako e a fela. Beibele e boletše bjalo. Mateo, tema ya 7... ke ra, Kutollo, ya 7 tem-... tema ya 10 le... le 1 go fihla go temana ya 7. Nako e a fela. Morongwa o rile, “Nako e ka se sa ba gona gape,” ge seo, mo matšatšing a selo se segolo se go direga.

<sup>233</sup> Se sengwe le se sengwe se a fela, ka go nako ye, bofelo bja—bja... bofelong bja Lehuto le la Bošupa. Hlokamelang. Ke mafelelo a lebaka la kereke. Ke ma—ma mafelelo a Lehuto la Bošupa. Ke mafelelo a Diphalafala. Ke mafelelo a Meruswi, le ebile go gorosa Mileniamo ka gare. Seo se go Lehuto la Bošupa.

<sup>234</sup> Go no swana le go thunyetše rokete ka lefaufaung. Gomme rokete yela e thuthupa *fa*, gomme e a rotoga gomme morago ya thuthupa gape. E bea dinaledi tše tlhano ntle. Ye nngwe ya dinaledi tšela e thuthupile le go budulela ntle dinaledi tše tlhano go tloga go yona; gomme ka gona ye nngwe ya tšona dinaledi e a

thuthupa le go budulela ntle dinaledi tše tlhano go tloga go yona. Le a bona, e timelela pele.

<sup>235</sup> Seo ke, eng, Lehuto la Bošupa. Le no fetša nako ya lefase. Le fetša nako ya *le*. Le fetša nako ya *lela*. Le fetša nako ya *le*. Le fetša nako. Se sengwe le se sengwe se no felela go Lehuto la Bošupa.

<sup>236</sup> Bjale, O ya go e dira bjang? Seo ke se re sa se tsebego. A ga se yona? Ga re tsebe.

<sup>237</sup> Ebile ke nako ya dilo tše tšohle, le go goroša Mileniamo ka gare.

<sup>238</sup> Hlokamelang, go kgaoga ga Lehuto le e be e le go gogolo kudu, gore, Legodimo le homoditšwe ke Lona, “ka setung, lebaka la sekgala sa seripa sa iri.” Bjale, a ke Le legolo! Ke eng Lona? Le ile la homotšwa, Magodimo. Go be go se selo se sepelago, lebaka la seripa sa iri.

<sup>239</sup> Bjale, seripa sa iri se ka no se be se setelele ge o iketlile. Eupša, go kadieleng gare ga lehu le Bophelo, go bonagetše boka Mileniamo. E be e le go gogolo!

Jesu ga se a tsoge a Le bolela. Ga go le o tee wa bohole ba bona.

<sup>240</sup> Johane ebile ga se a kgone go ngwala ka Lona. Aowa, o be a ileditswe go ngwala *mo*. Le a bona, fao go no ba...feela...Ga se a ke a Le ngwala, eupša le ke setu.

<sup>241</sup> Gomme bagolo ba masomepedi nne bao ba emego pele ga Modimo, Fale, ba opela ka diharepa tša bona; ba tlogela go raloka diharepa tša bona.

Barongwa ba homoditše moopelo wa bona, ka Legodimong.

<sup>242</sup> Naganang! Bakerubi ba bakgethwa le Barongwabatuki, bao Jesaya a E bonego ka tempeleng, ka tše tshela di dutše... goba ka disete tše tharo tša diphego. Tharo... Tše pedi godimo ga sefahlego sa gagwe, le tše pedi godimo ga maoto a gagwe, gomme ba fofa. Gomme ke yena mosegare le bošego, kua, pele ga Modimo, a opela, “Mokgethwa, mokgethwa, mokgethwa, ke Morena Modimo Ramaatlakamoka!” Gomme ebile le ge ba be ba sepeletše ka gare, goba go tla ka tempeleng, direpodi tša tempele di be di šikinyega, ka bogona bja bona—bja bona.

<sup>243</sup> Gomme Barongwabatuki ba ile ba homola. Barongwa ba tlogela go opela. Uh-huh. Fše! Ba fofela ka Bogoneng bja Modimo, ba opela, “Mokgethwa, mokgethwa, mokgethwa,” Ba homola. Ga go Barongwa ba ba opelago. Ga go ditumišo. Ga go—ga go tirelo ya aletara. Aowa, ga go selo. Go be go le setu; sa go homola, setu sa lehu ka Legodimong, lebaka la seripa sa iri.

<sup>244</sup> Lešaba lohle la Legodimo le be le homotše lebaka la seripa se sa iri, ge sephiri se sa Lehuto la Bošupa ka go Puku ya Topollo se be se bulwa. Naganang ka yona. Eupša, Le kgaogile. Kwana e

Le kgaotše. Le a tseba ke eng? Ba be ba makaditšwe ke Lona, ke a dumela. Ba be ba sa tsebe; Le be le le fao! Ba nno ema.

<sup>245</sup> Gobaneng? Ke eng Lona? Bjale, ga a gona wa rena a tsebago. Eupša, ke ya—ke ya go le botša, ka go kutollo ya ka—ya ka ya Lona.

<sup>246</sup> Gomme, bjale, ga ka tlwaela go ba lehlanya. Ge ke le, ga ke tsebe selo ka bjona, le a bona. Ga . . . ka nelwa go tše bjalo ka go tšwelapele ga bohlanya le dilo tša go eleletša.

<sup>247</sup> Ke boletše dilo tše dingwe, di ka no ba go bile mohuta wa go tlabo go batho ba bangwe. Eupša ge Modimo a etla go dikologa, ka morago ga Lona, le go Le hlatsela le gore Ke Therešo, gona leo ke Lentšu la Modimo. Le a bona? Go ka no bonala go se tlwaelege, ka tsela yeo. Le a bona?

<sup>248</sup> Gomme bjale, ka nnete bjalo ka ge ke eme mo sefaleng bošegong bjo, ke bile le kutollo yeo e utolotšwego. Ke ka mokgwa wa go menagana gararo. Gore ke tla bolela le lena, ka thušo ya Modimo, ya go menagana ga Lona. Gomme ka gona le . . . A re yeng godimo ga yeo, pele. Kutollo še, go thoma se ke nyakago go le botša, se Le lego sona. Se se diregago, ke gore . . . Medumo ye e Šupago yeo ye a e kwelego e duma, gomme a ileditšwego go e ngwala; seo ke se sephiri se lego, se robetše ka morago ga Medumo yela ye Šupa ya go latelana e tatologela ntle.

<sup>249</sup> Bjale, gobaneng? A re e netefatšeng. Gobaneng? Ke sephiri gore ga go yo a tsebago ka sona. Johane o ileditšwe go ngwala ka ga Lona, ebole—ebile le go ngwala sekä ka ga Lona. Gobaneng? Ke ka baka le go sego mafolofolo ka go—tiragalo ka Legodimong: e ka no neela sephiri. A le a e bona bjale? [Phuthego e re, “Amene.”—Mor.]

<sup>250</sup> Ge Le le legolo kudu, Le swanetše go akaretšwa, ka gore Le swanetše go direga. Eupša ge Medumo ye Šupago . . .

<sup>251</sup> Bjale hlokamelang. Ge Barongwa ba ſupago ba etla pele go galagatša Diphalafala tša bona, go bile modumo o tee. [Ngwanešu Branham o kokota phuluphithing gatee—Mor.] Ge Israele e be e kgobokanywa, go be go le phalafala. “Ge nako e ka se sa ba gona gape,” phalafala ya mafelelo, modumo o tee.

<sup>252</sup> Eupša fa ke Medumo ye e Šupago ya go otlologa, thwi ka mothalong: tee, pedi, tharo, nne, tlhano, tshela, ſupa, nomoro yela ya go phethagala. Medumo ye e Šupago ka go latelana, e boletše, e sego . . . go dira feela—feelaa tee, pedi, tharo, nne, tlhano, tshela, ſupa, go otlologa. [Ngwanešu Branham o kokotile godimo ga phuluphithi makga a ſupago—Mor.] Ka gona, Magodimo ga se a kgona go ngwala Leo. Legodimo ga le kgone go tseba ka Lona, e sego selo, gobane ga go selo go ya pele. E be e le nako ya go thekga ditho. E be e le ye kgolo kudu, go fihla, Le be le beilwe sephiri go tšwa go Barongwa.

<sup>253</sup> Bjale, gobaneng? Ge eba Sathane a ka kgona go Le swara, a ka dira tshenyo ye kgolo. Go ne selo se tee a sa se tsebego. Bjale, a ka kgona go tsenatsena eng kapa eng a nyakago go e dira, gomme a ekiša mohuta e ka ba ofe wa mpho, (ke a holofela le a ithuta), eupša ga a kgone go tseba Le. Ebile ga se La ngwalwa ka go Lentšu. Ke sephiri sa go felela.

<sup>254</sup> Barongwa, se sengwe le se sengwe, se homotše. Ge ba dirile mosepelo o tee, se be se ka no fa se sengwe, kafao ba no homola, ba tlogela go letša diharepa. Se sengwe le se sengwe se eme.

<sup>255</sup> Šupa, nomoro ya go phethagala ya Modimo. Šupa, [Ngwanešu Branham o kokota godimo ga phuluphithi makga a šupa—Mor.] feela thwi go theoga mothalo. Medumo ye Šupa e kwaditše thwi mmogo, boka e be e peleta se sengwe. Hlokamelang, ka nako yeo, Johane o thomile go Le ngwala. O rile, “O se ke wa Le ngwala.”

<sup>256</sup> Jesu ga se a ke a bolela ka Lona. Johane ga se a ke a kgona go Le ngwala. Barongwa ga ba tsebe selo ka Lona. Ke eng Lona? Ke selo seo, Jesu a se boletšego, “Ebile le Barongwa ba Legodimo ga se bake ba tseba” selo ka Lona. Le a bona? Le a bona? O be a sa Le tsebe, ka Boyena. O rile, “Modimo a nnoši” o tla Le tseba.

<sup>257</sup> Eupša O re boditše, ge re “thoma go bona maswao a a etla godimo.” Bjale le ya felotsoko? [Phuthego e re, “Amene.”—Mor.] Go lokile. Hlokamelang, re “thoma go bona maswao a a etla godimo.” Le a bona?

Ge Sathane a ka kgona go Le swara . . .

<sup>258</sup> Ge le nyaka se sengwe go direga . . . Bjale le tla swanelo go tšea lentšu la ka bakeng sa se. Ge ke beakanya go dira se sengwe, ke tseba bokaone kudu go feta go botša e ka ba mang ka sona. E sego gore motho yoo o tla e bolela, eupša Sathane o tla e kwa. Le a bona? A ka se kgone go e hwetša, ka pelong ya ka fao, ge feela Modimo a na le yona e tswaletšwe ke Moya wo Mokgethwa, kafao seo se gare ga ka le Modimo. Le a bona? Yena ga a tsebe selo ka yona go fihla o e bolela, gona o a e kwa. Gomme ke lekile . . . Ke botša batho ke tla dira selo se se *itšego itšego*, gomme šetšang diabolo o ripile lebilo le lengwe le le lengwe a kgonago, go fihla fale, le a bona, go nthaketša go lona. Eupša ge nka hwetša kutollo go tšwa go Modimo, gomme ka no se bolele selo ka yona, gona e a fapania.

<sup>259</sup> Elelwang, Sathane o tla leka go ekiša. O tla leka go ekiša se sengwe le se sengwe seo Kereke e tla se dirago. O lekile go e dira. Re a e hlokomela, ka molwalekriste.

<sup>260</sup> Eupša se ke selo se tee a ka se kgonego go se ekiša. Fao go ka se be go ekiša go se, le a bona, ka gore ga a Le tsebe. Ga go tsela go yena go Le tseba. Ke Kgogedi ya Boraro. O no se tsebe selo ka Yona. Le a bona? Ga a E kwešiše.

<sup>261</sup> Eupša go ne sephiri se letše ka tlase ga Leo! Letago go Modimo ka Godimodimo! Nka se tsoge ka nagana go swana, bophelo bja ka ka moka, ge ke bone. Bjale, ga ke tsebe eng... Ke tseba kgato ya go latela fale, eupša ga ke tsebe eng, ka fao nka hlathollago yeo. E ka se be botelele. Ke na le go ngwadilwe fase mo, ge e diregile, ge le ka kgona go bona mo, "Ema. Se ye pele kgojana go feta ye thwi mo." Ga ka tlwaela go ba lehlanya. Ke no bolela Therešo.

<sup>262</sup> Eupša le elelwa seeta se sennyane, seo ka mehla ke lekilego go se hlaloša ka fao soulo e robetšego kgauswi le *bjalo-bjalo*, le letsvalo la ka garegare, le mohuta wola wohle wa dilo? Tšeо, e dirile feela sehlopha se segolo sa dikekišo go thoma morago ga yona. Ka fao ba swanetšego go tšea seatla, le go swara batho, le go ba le mororomelo? Yo mongwe le yo mongwe o be a na le mororomelo ka diatleng tša bona.

<sup>263</sup> Eupša le a elelwa, ge A ntšeetše godimo kua, gomme o rile, "Ye ke Kgogedi yela ya Boraro, gomme ga go yo motee a tla E tsebago." Le elelwa seo? [Phuthego e re, "Amene."—Mor.] Dipono ga di tsoge tša šitwa. Ke Therešo go phethagala.

<sup>264</sup> Bjale hlokamelang. Le elelwa pono ya sehlopha? Charlie, ke... Ke wena yo.

<sup>265</sup> Se sengwe se eya pele, ke le boditše, beke ye, gore le... Go bile gohle go le dikologa, eupša ke a makala ge eba le e lemogile.

<sup>266</sup> Elelwang sehlopha, sa pono ya Barongwa, ge ke tloga mo go ya Arizona? [Phuthego e re, "Amene."—Mor.] A le elelwa *Ke Nako Mang, Bahlo mphegi?* ["Amene."] Le elelwa seo? Hlokamelang, go be go le feela mothuthupo wo motee wo mogolo wa modumo, gomme Barongwa ba šupago ba tšwelela. A ke nnete? ["Amene."] Go thunya go gotee ga modumo, Barongwa ba šupago ba tšweletše.

*Gomme ke bone* Kwana ge a butše lehuto la pele,  
*gomme ke kwele,* *bjalo ka* ge e bile segalontšu *sa*  
*modumo,* gomme *se sengwe* *sa dibata tše nne* se rile, *Tlaa*  
*gomme o bone.*

<sup>267</sup> Hlokamelang, modumo wo motee, Melaetša ye e Šupago ye e tswaletšwego gomme e ka se kgone go utollwa go fihla letsatši la mafelelo, la lebaka le. Le bona se ke se rago?

<sup>268</sup> Bjale, a le hlokometše karolo ya sephiri ya beke ye? Seo ke se Le lego sona. Seo ke se Le bilego sona. E be e se motho, mo—mo monna, e be e le Barongwa ba Morena.

<sup>269</sup> Hlokamelang, go ne dihlatsé, tša tše tharo, di dutše ka fa, tšeо beke ya go feta, gannyane godimo ga beke ya go feta, Ke be ke le godimo, moragorago ka dithabeng, kgauswi le Mexico, le baena ba babedi ba ba dutšego mo. Ke be ke tomola mogomarelakgapana, goba mokolonyane, go tloga go leoto la borokgo bja ka; gomme mothuthupo o thuntše, woo e nyakile go

ba, go bonagetše eke, o šikintše dithaba. Bjale, yeo ke nnete. Ga se ka ke ka botša baena ba ka, eupša ba hlokometše phapano.

<sup>270</sup> Gomme O rile go nna, “Bjale eba komana. Eya bohlabela. Tlhathollo ya pono yela še.” Le a bona? ga Bjale, go le dira le tsebe, Ngwanešu Sothmann ga a na papadi yeo a ilego ka morago ga yona. Re be re leka go mo hweletša yona. Gomme O rile, “Bjale, bošegong bjo, bakeng sa leswao go wena, ga a ye go e dira. O swanetše go ikgafa wenamong ka nako ye bakeng sa ketelo ya Barongwa ba.” Gomme ke ikwetše ntle le nnamong, le a elelwa.

<sup>271</sup> Gomme ke be ke le ka bodikela. Barongwa ba be ba etla bohlabela. Gomme ge ba etla go feta, ke topilwe le bona, (le elelwa seo?) go tla bohlabela.

<sup>272</sup> Gomme Ngwanešu Fred, ka mo bošegong bjo, ke hlatse, le Ngwanešu Norman. Ge re be re eya tlase, ke nyakile go phegelela monna yola go dula le go hwetša diphoofolo tša gagwe. A yeo ke nnete, Ngwanešu Sothmann? [Ngwanešu Fred Sothmann o re, “Amene.”—Mor.] Ya, fale, o eme thwi fale. Ke phegeletše; eupša, go le bjalo, O rile, “A ka se e dire.” Ga se nke ka bolela selo; ke ile pele.

<sup>273</sup> Se sengwe, se dutše ka thoko ga tente, letšatši leo... O a elelwa, Ngwanešu Sothmann. Gomme nna, ka pela ge dilo tše dingwe di boletše, gore ke go beile le Ngwanešu Norman... O kae Ngwanešu Norman? Morago kua. Ke ba beile ka tlase ga keno, gore ba be ba ka se bolele se se bego se direga. A yeo ke nnete? [Baena ba re, “Amene. Yeo ke therešo.”—Mor.] A ke retologile go dikologa le go sepela go tloga tenteng yela, ka mokgwa *wola*? A yeo ke nnete? [“Yeo ke nnete.”]

<sup>274</sup> Ka gore, se ke se e bego e le sona, tlwa se e bego e le sona, le go tseba gore nka se kgone go e bolela go fihla e direga, go bona ge eba batho ba tla e kwešiša.

<sup>275</sup> Gomme a le hlokometše? “Morongwa yola yo motee,” ke rile, “ka fale, o be a le Morongwa wa go tlabo.” O bonagetše bontši go nna go feta e ka ba ofe wa ka moka ga Bona. Le elelwa seo? [Phuthego e re, “Amene.”—Mor.] Ba be ba le ka sehlopho; ba bararo ka lehlakoreng, yo motee ka godimo. Gomme yo motee thwi kgauswi le nna mo, go bala go tšwa go la nngele go ya go la go ja, e ka be e bile Morongwa wa bošupa. O be a editše kudu, o be a era go fetiša go nna go feta ka moka ga Bona. Le a elelwa? Ke rile, “O be a tekotše sefega sa Gagwe ntle, ka mokgwa *woo*, gomme o be a fofa go leba bohlabela” (le a elelwa) “ka mokgwa *woo*.” Ke rile, “Se nkuketše godimo; sa mphagamišetša godimo.” Le elelwa seo? [“Amene.”]

<sup>276</sup> Šele Lona, lona ka Lehuto la Bošupa, selo se ke makatšego bophelo bja ka bjohle. Amene! Wona Mahuto a mangwe a be a era bontši go nna, ka nnete, eupša, oo, ga o tsebe se Le le bego le se ra, bakeng sa nako e tee bophelong!

<sup>277</sup> Ke rapetše, ka llela ntle go Modimo. Ke—ke—ke . . . Morago ga kopano yela ya Phoenix . . . E ka ba mang wa batho, fao le nna, o a tseba. Ke robetše ka dithabeng.

<sup>278</sup> Mosong wo mongwe, ke tsogile le go ya godimo ka Sabino Canyon, tše kgolo tšela, tša makgwakgwa, dithaba tša godimo. Gomme ke ile godimo kua. Gomme go na le mohlala wo monnyane wa maoto, morago ga go fapoga, e ya pele ka Thabeng ya Lemmon, e lego mosepelo wa dimaele tše masometharo, kgauswi le lehlwa la kgato tše masometharo godimo kua. Kafao, godimo ka thabeng, ka leselaphutiana ka kgonthe pele ga letšatši, go ya godimo go kgabola mohlala wo monnyane wa leoto, go tokolosa maswika mmogo. Ke ikwetše go hlahlwa go tepogela ka tsela *ye*. Gomme ke retologile, le go ya godimo ka go a mangwe a magolo, maswika a go kgakgamologa, oo, nna, bogodimo bja dikgato tše makgolo.

<sup>279</sup> Gomme ke khunamile fase gare ga maswika ao. Ke beile Beibele *ye* fase, gomme ka bea puku ye fase . . . papetlana ye nnyane *ye*. Ke rile, “Morena Modimo, pono ye e ra eng? Ke—ke nna—ke nna . . .” Ke rile, “Morena, e . . . A era go hwa ga ka?”

<sup>280</sup> Le a elelwa, ke le boditše, “Ke naganne e ka no ra lehu la ka, ka gobane se sengwe se thuthupile go fihla se nno ntšikinya diripana.” Le a e elelwa. Ke ba bakae ba e tsebago, ba e kwele? [Phuthego e re, “Amene.”—Mor.] Gobaneng, kgonthe, le a bona, lena bohole. Gomme ke naganne e ka ra lehu la ka.

<sup>281</sup> Gomme ka gona ka kamoreng, ke rile, “Eng . . . eng—eng—e be e le eng, Morena? Ke eng—ke eng e se rago? A go ra gore ke ya go hwa? Ge eba go le, go lokile, nka se botše lapa la ka. A nke ke no ya pele, le a bona, ge mošomo wa ka o fedile.” Gomme ke rile . . .

<sup>282</sup> Bjale, e be e le eng? Eupša O rometše hlatse morago, le elelwa ke le botša, gore e be e se seo. E be e le polelo ya go išapele ya mošomo wa ka. Oo, oo, oo! Le a e hwetša?

<sup>283</sup> Le a bona, gomme ke dutše godimo ka Sabino Canyon, tate wa Legodimong o tseba se, feela therešo bjalo ka ge le bona seo se etla go phethega, Barongwa bale ba tla thwi fase gomme ba hlatsela Molaetša wo mongwe le wo mongwe go swana. Ka gona, le a tseba ge eba O tšwa go Modimo, goba aowa. E boleletšwe pele, go lena, ka pono. Nka se kgone go le botša go fihla ditirelo godimo, gobane ke be ke ileditšwe go dira.

<sup>284</sup> Ka Sabino Canyon, ke dutše godimo kua mosong wola, ke bile le diatla tša ka godimo. Gomme ya ka . . . Phefo e be e foketše kefa ya ka ye ntsho fase. Ge . . . Ke be ke eme fale, ka diatla tša ka godimo, ke rapela. Ke rile, “Morena Modimo, se se ra go reng? Ga ke kgone go se kwešiša, Morena. Ke swanetše go dira eng? Ge e le nako ya ka ya go ya Gae, a nke ke ye godimo mo, ke moo ba ka se tsogego ba nkhwetša. Ga ke nyake motho go lla tikologong, ge eba ke a ya. Ke—ke nyaka feela lapa go nagana gore ke nno

tšea mosepelo. Gomme ba ka se nkhwetše. Nkute kgole felotsoko. Ge e ba ke eya go tloga, gobaneng, ntese ke tloge. Mohlomongwe Josefa o tla hwetša Beibele ya ka e robetše mo, letšatši le lengwe, gomme a nke a E šomiše. Le a bona, ge ke tloga, a nke ke tloge, Morena.” Gomme ke bile le diatla tša ka ntle. Gomme, gateetee, se sengwe se bethile seatla sa ka.

<sup>285</sup> Ga ke tsebe. Nka se kgone go bolela. A ke ile go robala? Ga ke tsebe. Goba a ke ile ka go kidibaloseripa? Ga ke tsebe. A e be e le pono? Nka se kgone go le botša. Selo se nnoši nka kgonago go se bolela ke seo ke... . Feel a selo sa go swana boka bona Barongwa ba bile!

<sup>286</sup> Gomme ya ratha seatla sa ka. Gomme ke lebeletše, gomme e be e le tšoša. Gomme e be e na le maswaro a pheta, botse ka kgonthe; gomme e be e na le bothekgo godimo ga yona, ka gauta. gomme bogale bo lebega boka se sengwe boka kromo, boka silebere, feela bo be bo phadima. Gomme e be e le bogale bja lefofa kudu, oo, nna! Gomme ka gopola, “A seo ga se selo se sebotsebotse!” Go no lekanela seatla sa ka! Ka gopola, “Yeo ke ye botse kudu. Eupša,” ka re, “hei, ka mehla ke boifa tšona dilo, tšoša.” Ke naganne, “Ke tla dira eng ka yeo?”

<sup>287</sup> Gomme yona nako yeo Segalontšu sa šikinya tlase go kgabola fao, seo se šišintše maswika. Se rile, “Ke Tšoša ya Kgoši!” Gomme ka gona ka tšwela ka ntle ga yona.

<sup>288</sup> “Tšoša ya Kgoši.” Bjale, ge Se ka be rile, “Tšoša ya kgoši... .” Eupša Se rile, “Tšoša ya Kgoši.” Gomme go na le yo motee feela “Kgoši,” gomme yoo ke Modimo. Gomme O na le Tšoša e tee, yeo ke Lentšu la Gagwe, le ke phetšego ka lona. Gore, kafao nthuše, Modimo; go emeng godimo ga teseke ye kgethwa ya Gagwe mo, ka Lentšu le lekgethwa le le robetše mo! Ke Lentšu! Amene! Oo, a letšatši le re phelago ka go lona! A selo se segolo! Le bona sephiri le sephiri? Sa Boraro... .

<sup>289</sup> Ke eme fale ge se se ntlogetše, Sengwe se no tla go nna gomme se rile, “O se boife.” Bjale, ga se ka kwa segalontšu. Go swana le bokagare bja ka, se boletše. Ke swanetše go no le botša therešo, feela tlwa se se diregilego. Se sengwe se iteile, gomme se rile, “O se boife. Ye ke Kgogedi yela ya Boraro.”

<sup>290</sup> Kgogedi ya Boraro! Le a E elelwa? [Phuthego e re, “Amene.”—Mor.] O rile, “O bile le baekiši ba bantsi kudu go ye, ye o lekilego go e hlaloša. Eupša,” o rile, “ebile o se leke, Ye.” A le a e elelwa? Ke ba bakae ba elelwago pono yela? [“Amene.”] Gobaneng, go fedile. E gatisitšwe, le mogohle. Yeo e bile e ka ba mengwaga ye tshela ya go feta, mengwaga ye šupago ya go feta. Go bile mengwaga ye šupago ya go feta. O rile, “O se ke wa leka go hlaloša Yeo.” O rile, “Ye ke Kgogedi ya Boraro, eupša Ke tla kopana le wena ka kua.” A ke nnete? [“Amene.”] O rile, “O se leke... .”

<sup>291</sup> Ke be ke eme le—le seeta sa lesea le lennyane, ge A mpoditše. O rile, “Bjale dira Kgogedi ya gago ya Pele. Gomme ge o dira, hlapi e tla kitima ka morago ga segoketši.” O rile, “Gona šetšang Kgogedi ya gago ya Bobedi,” o rile, “gobane E tla no ba hlapi ye nnyane.” O rile, “Gona Kgogedi ya Boraro e tla e hwetša.”

<sup>292</sup> Gomme bona badiredi bohole ba tlide go ntikologa, ba rile, “Ngwanešu Branham, re a tseba o ka kgoni go e dira! Haleluia! Ngwanešu Branham!” Fao ke mo ka mehla ke tlengwago, ke sehlopha sa bareri. Le a bona? Ke rata batho. Ba go nyaka o hlaloše se sengwe le se sengwe, *se, sela.*

<sup>293</sup> Gomme ke rile, “Gabotse, uh, uh, uh,” ke rile, “Ga ke tsebe.” Ke rile, “Ke kwešiša go thea dihlapi. Bjale,” ke rile, “bjale, selo sa pele o se dirago . . . Še tsela ye se dirwago. O bona dihlapi tšohle tikologong; o swanetše go thuhlula segoketši.” Gabotse, ao ke tlwa mathaithai a go thea dihlapi. Kafao ke rile, “Ke thuhlula segoketši. Bjale, le a bona, ge ke thuhlutše segoketši, selo sa pele, bjale hlapi e a se latela.” Eupša e be e le tšona tše nnyane. Gomme seo se no swana le ge ba be ba swara.

<sup>294</sup> Kafao gona ke—ke rile, “Gona o tla—o tla dula . . .” Gomme ke e thuhluletše ntle, mo lešing. Gomme ke be ke na le hlapi, eupša e be e lebega bjalo ka letlalo godimo ga segoketši, e be e no ba . . . o be a le yo monnyane kudu.

<sup>295</sup> Gomme ka gona ke be ke eme kua, gomme Sengwe se rile, “Ke go boditše go se dire seo!”

<sup>296</sup> Ke thomile go lla. Mothaloo ohle o be o tatilwe go dikologa nna, ka mokgwa *wo*. Gomme ke bile . . . be ke eme fale, ke lla, ka hlogo ya ka fase ka mokgwa *wola*. Ke rile, “Modimo! Oo, ke . . . Ntshwarele! Ke—ke nna motho wa setlaela. Morena, o se ke . . . Ntshwarele.” Gomme ke—ke bile le mothalo *wo*.

<sup>297</sup> Gomme seo, se ke bilego le sona ka seatleng sa ka, e be e le seeta sa lesea le lennyane, e ka ba botelele *bjoo*. Gomme ke bile le lenti lela, le be le ka ba bogolo go dikologa bjalo ka monwana wa ka, e ka ba seripa sa intšhi, boka. Gomme lešobana ka go seeta se le be le no ba bogolo *bja* . . . bonnyannyanne go feta te—te tee tsheleng, go molaleng, ya intšhi, ka go lešobana. Gomme ke be ke leka go tsenya lenti go seeta se sennyane se, ka lenti le legolo le la intšhi. Huh!

<sup>298</sup> Segalontšu sa tla, sa re, “O ka se kgone go ruta masea a Pentecostal dilo tša kagodimogatlhago.” Sa re, “Bjale, ba tlogele ba nnoši!”

<sup>299</sup> Gomme feela nako yeo O ntšeetše godimo. O ntšeetše godimo, le go mpea godimodimo, moo kopano e bego e kgatlampana. Go be go lebega bjalo ka tente goba khatedrale, ya mohuta wo mongwe. Gomme ke lebeletše, gomme go be go le lepokisi le lennyane, boka, lefelo le lennyane godimo ka lehlakoreng. Gomme ke bone Seetša sela se be se bolela le yo mongwe, ka godimo ga ka, Seetša sela le se bonago fale mo seswantšhong. Se

ile sa dikologa go tloga go nna, ka mokgwa *woo*, gomme sa ya bokagodimo ga tente yeo. Gomme sa re, “Ke tla kopana le wena fao.” Gomme o rile, “Ye e tla ba Kgogedi ya Boraro, gomme o ka se E bolele go motho.”

Gomme ka Sabino Canyon, O rile, “Ye ke Kgogedi ya Boraro.”

<sup>300</sup> Gomme go na le dilo tše tharo tše kgolo tše di yago le Yona. Gomme ye nngwe e phuthologile lehono, goba, maabane; ye nngwe e phuthologa lehono; gomme go ne selo se tee seo nka se kgonego go se hlatholla, gobane se ka leleme la go se tsebje. Eupša ke eme thwi fale gomme ka lebelela thwi go otlologa go Yona. Gomme ye ke Kgogedi ya Boraro e tlago godimo. Gomme Moya wo Mokgethwa wa Modimo... Oo, nna!

Ke ka baka leo Legodimo lohle le be le homotše.

<sup>301</sup> Bjale, bokaone ke—ke eme thwi fa, le a bona. Ke no—ke no ikwela go hlodišišwa, e sego go bolela gape ka ga Yona. Le a bona?

<sup>302</sup> Kafao, e nong go elelwa, Lehuto la Bošupa, lebaka leo Le sego la bulega. Le a bona, lebaka leo E sego ya Le utolla, ga go yo motee a swanetšego go tseba ka Lona.

<sup>303</sup> Gomme ke nyaka le tsebe, pele ebile nka tseba Lentšu e ka ba lefe ka Yeo, pono yela ya go tla mengwaga ya go feta. Le elelwa yeo? [Phuthego e re, “Amene.”—Mor.] Gomme še Yona, feela boka tše dingwe di le, e thedimogela thwi ka go Lentšu tlwa moo Le bego le le. Gomme Modimo o tseba pelo ya ka, ga se nke le nako e tee ke naganne ka selo se sebjalo bjalo ka Sela, gomme še E bile. Go thari go feta re nagana. Uh-huh. Oo, nna!

<sup>304</sup> Seo se laetša gore E tšwa go Modimo, ka gore, le a bona, E swanelia tlwa ka ditshepišong tša Modimo, go tloga mafelelong a mo—mo Molaetša. Le hlokomela. Hlokamelang bjale, bakeng sa Molaetša wa nako ya bofelo, Lehuto le. Morago ga tšohle, O—O utolotše ohle Mahuto a tshela, eupša ga A bolele selo ka la Bošupa. Gomme Lehuto la nako ya bofelo, ge Le thoma, e tla ba sephiri ka go felela, go ya ka Beibebe, pele ga go tseba Leo. Gomme elelwang, Kutollo 10:1-7, 1 go fihla 7, tema ya 10:1 go fihla 7, “Mafelelong a Molaetša wa morongwa wa bošupa, diphiri tšohle tša Modimo di tla tsebja.” Re nakong ya bofelo, go bulwa ga Lehuto la Bošupa.

<sup>305</sup> Bjale, ke tsebile bjang? Letšatši le lengwe, Lamorena la go feta, beke ya go feta lehono, ge ke be ke rera ka “Ikokobetše! Ikokobetše! Elelwang, Modimo o mekamekana ka go dilo tše dinnyane.” Ga se ke lemoge seo ka kgonthe se bego se bolela ka sona. Gomme bjale ke a se bona. Le ka tsela ya go kokobela bjalo! O tla nagana gore se sengwe boka seo se tla utollwa go Vatican goba... Eupša Le tla feela boka Johane Mokolobetši. Le tla bjalo ka tswalo ya Morena wa rena, ka setaleng. Letago go Modimo! Kafao nthuše, iri e batametše! Amene! Re fa. Oo, nna!

<sup>306</sup> Bjale a le a e bona, Therešo ya pono ya Modimo, Barongwa ba šupago ba ntliša go tšwa bodikela? Ba be ba etla go tšwa bodikela, ba etla morago bohlabela, go tliša mo Molaetša wo bošegong bjo. Oo, nna!

<sup>307</sup> Bjale, Segalontšu sa modumo wola wo mogolo, le boromiwa bjo bo tlišitšwego mo, bo utolotšwe, gore Le... le go netefatša gore Le be le le la Modimo. E no naganang bjale. Ga se ka tseba Mahuto a, gomme a utolotšwe beke ye. A yo mongwe o naganne ka seo, ka Barongwa bale ba šupago ba le Wo, ba le Molaetša wo o bego o etla pele, bona Barongwa ba ntliša morago fa bakeng sa Woo? Le a bona?

<sup>308</sup> Elelwang, Motseta wa bošupa o be... Batseta ba šupago ba be... Yena yo Motee wa go lemogega go nna, Morongwa wa bošupa, O bonagetše bontši go nna go feta e ka ba mang. Bjale, le a bona, ba be ba eme ka mokgwa wo. Bjale, re no nyaka le hlokomele. Gomme ke be ke eme *mo*, gomme ke be ke bogetše bao ba bangwe...

<sup>309</sup> Le a bona, se tee, sehlopha sa mathomo, sa dinonyana tše nnyane, mafofa ohle a hlobilwe fase. Le a di elelwa? Gomme tšohle di fofile go leba bohlabela. Gomme sehlopha sa bobedi, e be e le sa tša go phadimaphadimi, dinonyana tše kgolwane, di bonagetše boka maeba, diphego tša dintlha. Di fofetše go leba bohlabela. Kgogedi ya Pele, Kgogedi ya Bobedi, ka gona ya go latela e be e le Barongwa. Gomme bjalo...

<sup>310</sup> Ke be ke eme thwi fale, gomme mothuthupo wo o sepetše. Gomme ke be ke lebeletše ka tsela *ye*, go leba bodikela, gomme Ba tlide le go no nkukela godimo, ka Kua. Ke ile thwi ka ntle ga go tseba ga ka. Gomme yo motee wa Bona, a etla, e bile yo Motee yo a bego a lebega go se tlwaelege kudu go nna, e be e le yo Motee godimo ga la ka... Go ba la nngele, moo ke tsenego sehlopha ka gona. Eupša go bala go tloga go la nngele go ya go la go ja, e ka be e bile Morongwa wa bošupa, le a bona, go tla go kgabaganya. Bjale, elelwang, Batseta ba šupago.

<sup>311</sup> A le elelwa phiramiti ya Leswika le lešweu, la toro ya Junior Jackson ye ke le hlathollotšego yona? [Phuthego e re, "Amene."—Mor.] Le a bona? Hlokamelang, bošego bjo ke bo tlogilego, gomme ke... Fao go bile ditoro tše tshela di tlilego, gomme ye nngwe le ye nngwe ya tšona thwi go selo sa go swana. Nako yeo pono ya thoma, gomme ya nthomela bodikela. Gomme, Junior, o be a bogetše ge... Hlokamelang. Lebelelang ka fao go phethagetšego!

<sup>312</sup> Bjale, ke—ke a holofela le go tshepa gore lena batho le lemoga gore ke leka go bea mogau wo go Jesu Kriste, Yo e lego Mothomi wa Bjona bjhole. Gomme lebaka le nnoši o sego wa ke wa nkwa ke bolela ka mokgwa wo pele, bophelong bja gago, eupša iri ye e a batamela. Le a bona? Le a bona? Hlokamelang.

<sup>313</sup> Bjale go e dira kgonthe, go lena, gore e kgone go gapelwa fase. Ke lokišetša go le tlogela gape. Ga ke tsebe mo ke tla yago. Ke swanetše go rera Ebangedi mafelong a mangwe. Eupša bjale, gore . . .

<sup>314</sup> Le ka no re, “Ke kwele mohuta wola wohle wa bohlanya.” Ga ke tsebe eng; nka se kgone go ahlola monna le ge e ka ba mang yo mongwe gape.

<sup>315</sup> Ke swanetše feela go arabela go Modimo bakeng sa se ke . . . bakeng—bakeng sa nnamong. Eupša a go kile gwa ba nako ye nngwe nkilego ka le botša e ka ba eng ka Leina la Morena, seo se bego se se sa loka, ka go mengwaga ye yohle? [Phuthego e re, “Aowa.”—Mor.] Ga go yo mongwe gape a ka bolelago bjalo, gobane ka mehla ke e boletše feela ka tsela ye A e boletšegeo.

<sup>316</sup> Bjale a nke ke no le laetša gore ye ke therešo tlwa, le go e tiišetsa.

<sup>317</sup> Bjale elelwang, “Ge go na le wa semoya goba moprofeta, Nna Morena ke tla bolela le yena ka dipono, le go dira go tsebja go yena ka ditoro.” Go hlatholla ditoro, ke tseo. Josefa, o kgonne go hlatholla ditoro, le go bolela le—le go bona dipono. A yeo ke therešo?

<sup>318</sup> Bjale hlokomelang se, gore, bjale, ge se se direga, Junior o be a eme ka tšhemong ye e bego e na le—e na le phiramiti ye kgolo go yona, ka mokgwa woo. Gomme go bile le se sengwe se ngwadilwe mo maswikeng, gomme ke be ke utolla Seo go batho. A ke nnete, Junior? [Ngwanešu Junior Jackson o re, “Yeo ke nnete.”—Mor.] E ka ba ngwaga pele e direga.

<sup>319</sup> Gomme hlokomelang selo sa go latela bjale. Ke tšere mohuta tsoko wa sekredi gomme ka E ripa, gomme bokagare go be go le Leswika le lešweu leo le se nago selo se ngwadilwe go Lona. Gomme, ka nako yeo, ke thomile go ya bodikela. Gomme ke ba boditše bohole, ke rile, “Le se ye ntle bodikela. Dulang fa gomme le lebelele go Le go fihla ke bowa.” Ke ile bodikela, bakeng sa mothuthupo; ke boetše morago bohlabela, ka Moya wo Mokgethwa o hlatholla Lentšu le la go se ngwalwe. Bjale, ge seo e se ka phethagalo Modimo Ramaatlakamoka, ke nyaka le tsebe se se lego.

<sup>320</sup> Ke leka go bolelela se bakeng sa eng, bagwera? Ke go le bontšha re mo nakong ya bofelo. Bjale, ge a mangwe a bile go phethagala mo khutlong le Lentšu, kafao Le ka go phethagala le khutlong le Lentšu! Re mo. Re bofelong, bagwera.

<sup>321</sup> Ka pejana e tla ba “nako ya go fela.” Dimilione di tla lahlegelwa ke maphelo a bona. Dimilione di tla ba, tseo bjale ba dumelago gore ba pholosítšwe, ba tla balwa go ba dijo tša lebaka la athomo. Re phela mo iring ya mafelelo. Ka mogau wa Ramaatlakamoka Modimo, ka thušo ya Gagwe go batho ba Gagwe, gore ba ke ba lebelele pele go go tšwelela ga ka pela ga Kriste! “Botelele gakaakang, Ngwanešu Branham?”

Mohlomongwe mengwaga ye masomepedi; mohlomongwe mo mengwageng ye masometlhano; mohlomongwe mo mengwageng ye lekgolo. Ga ke tsebe. Gomme mohlomongwe mo mosong; mohlomongwe go le bjalo bošegong bjo. Ga ke tsebe. Gomme mang kapa mang o re ba a tseba, ba phošong. Le a bona? Ga ba tsebe. Modimo, a nnoši, o a tseba.

<sup>322</sup> Bjale hlokamelang. Kafao nthuše, ka Modimo, ke bolela Therešo, gore A a hlathilwe semoyeng go nna, e hlathwa ke Moya wo Mokgethwa. Gomme, ka le lengwe le le lengwe la Ona, o tsebagaditše lefelo la Lona ka Beibeleng.

<sup>323</sup> Bjale, ke eng sephiri se segolo se seo se robetšego ka tlase ga Lehuto le, ga ke tsebe. Ga ke e tsebe. Nka se kgone go e dira ntle. Ga se ke kgone go Le bolela, feela seo Le—feela seo Le se boletšego, eupša ke a tseba gore E be e le yona Medumo ye Šupago e ikutolla ka boyona thwi kgauswi mmogo, feela go itia dinako tše šupa tša go fapano. Gomme E phutholotše ka go se sengwe gape seo ke se bonego. Ka gona, ge ke bone Leo, ke lebeletše bakeng sa tlhathollo. Le fofile go kgabaganya kua, gomme ga se ka kgona go Le hlaologanya. Yeo ke nnete tlwa. Le a bona? Iri ga e šo ya ba ya Lona.

<sup>324</sup> Eupša, Le sepelela ka go ntikodiko yela, le a bona. Le tla godimo kgauswi. Kafao, selo go wena go se dira ke go elelwa gore ke bolela le wena ka Leina la Morena. Itokiše, ka gore ga o tsebe ke nako mang se sengwe se ka diregago.

<sup>325</sup> Bjale, ge seo se etla go theipi, ye E lego yona, yeo ka kgonagalo e tla romelago dikete tše lesome tša bagwera ba ka kgole le nna. Ka gore, ba ya go bolela, gore, “Ngwanešu Branham o leka go ipea ka boyena, le go itira ka boyena, mo—mo mohlanka goba moprofeta, goba se sengwe, pele ga Modimo.” A ke le botšeng, baena ba ka, yeo ke phošo.

<sup>326</sup> Ke no le botša se ke se bonego le se se boditšwego nna. Gomme bjale le—le dira e ka ba eng le nyakago. Ga ke tsebe ke mang a yago go . . . se se yago go direga. Ga ke tsebe. Ke no tseba gore Medumo yela ye Šupa e swere sephiri sela. Magodimo a be a homotše. Yo mongwe le yo mongwe o a kwešiša? [Phuthego e re, “Amene.”—Mor.] E ka no ba nako, e ka no ba iri bjale, gore motho yo mogolo yo yoo re mo letetšego go tsoga mo go lefelotiragalo a nke a tsoge mo go lefelotiragalo.

<sup>327</sup> Mohlomongwe bodiredi bjo, bjoo ke lekilego go tšeela batho morago go Lentšu, bo beile motheo; gomme ge e ka ba bo dirile, ke tla be ke le tlögela, go ya go ile. Go ka se be ba babedi ba rena mo nako ya go swana. Le a bona? Ge eba e le, o tla ata; ke tla kokobala. Ga ke tsebe.

<sup>328</sup> Eupša ke filwe monyetla, ke Modimo, go lebelela le go bona se E bego e le sona, le a bona, go bona go tatologa go bontši bjoo. Bjale, yeo ke Therešo.

<sup>329</sup> Gomme ke na le nnete gore le hlokometše dilo tše di bego di direga beke ye. Ke na le nnete gore le hlokometše mošemanе yo monnyane yola wa Collins a robetše fao, a ehwa, bošegong bjo bongwe; yo monnyane yola, mosetsana wa leukemia.

<sup>330</sup> Mmušo wa Modimo o etla. Gomme O ba kudu go tloga go nekethifi go ya go phosithifi, bjalo ka ge o bile. Bjale, seo ga se sa swanela go thibela batho. Go tloga go tokafatšo, go ya go tlhwekišo, go ya go kolobetšo ya Moya wo Mokgethwa, gomme ka gona *mo, mo*. Le a bona? Re no batamela kgauwana le Modimo, nako yohle.

<sup>331</sup> A ga le kgone go bona, badiredi ba Methodist, ka fao gore molaetša wa lena wa tlhwekišo o be o le ka godimo ga seo Luther a se rerilego?

<sup>332</sup> Lena Mapentecostal, a ga le kgone go bona molaetša wa lena wa kolobetšo o mošola wa seo Mamethodist ba se rerilego? Le tseba se ke se rago?

<sup>333</sup> Oo, re bile le dilo tše dintši di eya pele! Gomme yeo ke nnete. Gomme ge go na le yo mongwe yo a nyatšago ka phošo, gomme batho ba bolela se sengwe seo ka nnete se aketšago gomme e sego Therešo, ke hloya seo.

<sup>334</sup> Eupša ke—ke rata Therešo ya go kgwahla, ga go kgathale E tsenatsena gare gakaakang ka tsela *ye* goba ka tsela *yela*. Ge E le Therešo, mafelelong Modimo o tla E bontšha bjalo ka Therešo. Gomme ge A sa dire seo, le lengwe la matšatši a ka pejana, gona pono ya ka e be e se ya loka. Bjale le bona moo ke nnogo ipea nnamong.

<sup>335</sup> “E tla ba neng, Ngwanešu Branham?” Nka se kgone go le botša. Ga ke tsebe.

<sup>336</sup> Eupša, le lengwe la matšatši a, ge re ka se tsoge ra kopana gape lefaseng le, re ya go kopana mošola ka—ka Setulong sa Kahloolo sa Kriste. Gomme le tla hwetša, gore, ka kamoreng yela, kutollo e etšwa go Modimo, feela boka tšohle ka moka ga tšona di dirile, gore Bona. . . Se sengwe se sephiri sa Lehuto lela, lebaka leo Le sego la utollwa, E be e le Medumo ye e Šupago ye e kwalakwaditšego digalontšu tša Yona. Gomme šeleo Lona, ka go phethagala. Gobane, ga se gona se tsebago e ka ba eng ka Lona. Ebile Le be le se la ngwalwa. Kafao, re mo nakong ya bofelo. Re fa. Ke leboga Modimo bakeng sa Lentšu la Gagwe.

<sup>337</sup> Ke a Mo leboga bakeng sa Jesu Kriste. Ka gore, ntle le go Mo romela bakeng sa se—se seloba sa dibe tša rena, bohole re ka be re le ka go tebetebe ye kgolo ya sebe, go se kholofelo. Eupša, ka mogau wa Gagwe, Madi a Gagwe—a Gagwe a hlwekiša sebe sohle. Feel a boka lerothi la enke ka go pakete ya Clorox, o be o ka se tsoge wa hwetša enke gape. Ge dibe tša rena di ipoletšwe, se beilwe ka go Madi a Jesu Kriste; di ka se tsoge tša tsebjja gape. Modimo o a di lebala; ebile ga se nke tša ke tša dirwa. Gomme ge feela Sehlabeledo sela se robetše fale ka go poelano bakeng sa

rena, gona seo ke sohle. Yeo ke yona, le a bona. Ga—ga re sa le badiradibe gape. Ke rena Bakriste, ka mogau wa Modimo. Elelwang, ka go borena beng go molaleng re tla no ba babe bjalo ka ge re kile ra ba. Eupša, le a bona, mogau wa Modimo o bonagetše go rena, gomme seo ke se se re dirilego se re lego sona lehono, banešu le dikgaetsedi tša Bakriste.

<sup>338</sup> Ye e bile beke ye kgolo go nna. Ke lapile. Monagano wa ka o lapile. Gobane ke—ke ne... le bokaonekaone bjoo nkago go bo dira. Gomme se sengwe sa go tlaba se eya pele, letšatši le lengwe le le lengwe. Ke tla makala; go sepela ka kamoreng, le go ba fale lebaka la metsotso e se mekae, gomme go bona Sengwe se no nthetolla go dikologa ka go felela.

<sup>339</sup> Gomme, mo, ke tla ya ka kua le go topa dinoutse. Ke be ke topa dipuku tša Ngk. Smith, Uriah Smith, gomme, oo, bohole ba—ba bangwadi le se sengwe le se sengwe, gomme ke bala ka gare, ke bala tlase ka dipukung tša bona. Ke re, “Bjale šele Lehuto la Boselela. Šele Lehuto la Bone. Bjale monna yo o reng? O tla re, ‘Gabotse, E be e le *se, sela*, goba se *sengwe*.’” Ke tla lebelela godimo fa le go hwetša monna yo mongwe. O rile Le be le le se *bjalo le bjalo*. Gomme go bonagetše eke ke no... Ga se e šome gabotse. Le a bona?

<sup>340</sup> Ka gona ka gopola, “Gabotse, ke eng Lona, Morena?” Gomme ke be ke sepelela godimo le fase lebatong lebakanyana. Ke be ke kwatame fase le go rapela. Ka ya morago gomme ka topa Beibele; ka dula fase, ka bala. Ka sepelela morago le pele.

<sup>341</sup> Ka gona, ka pelapela, ge ke homotše, mo Le nno tatollwa ka mokgwa woo. Ka gona ke tla tlimarela pene thwi ka pela, le go ya go Le ngwala fase ka mokgwa woo, eng kapa eng ke bego ke e bona le go dira. Go Le šetša, ka mokgwa woo, go fihla ke Le hwetša le ngwadilwe fase.

<sup>342</sup> Ka gona ke tla tšea, letšatši lohle, le go ya tlase le go lata mohlala wa Le ntle, gomme o bone ge eba Le bofeletše tsela yohle go theoga Mangwalo. Gona, “Netefatšang dilo tšohle.” Le a bona? Ke hweditše Le fa.

<sup>343</sup> Gomme ke a nagana, “Bjale, go ne batho ba bantsi ba bilego le dipono. Go bile le ba bantsi ba bilego ka go dikutollo.” Ge e le kgahlanong le Lentšu, e tlogele e nnoši; yeo ke nnete, e tlogele e nnoši.

<sup>344</sup> Bjale, bjale, gona ke tla kitimiša Le ebile go theoga ka mokgwa *wo*, go le kitimiša go theoga ka mokgwa *wo*. Ke tla ngwala dilo tše dinnyane fa. Ke naganne, “Gabotse, bjale, tlelase e tla thaba go kwa se, gobane se tiemagana *fa* le go tiemagana *fa*. Bjale, a re boneng, se se bolela eng *fa*? Ee. Gomme, ya, še yona, thwi *fa*.” Le a bona?

<sup>345</sup> Gomme go Le tliša morago go kgabola Beibele, le go bofelela selo fase, go kgabola beke. Šeleo Lona, godimo ga theipi. Le amogetše go ona. Gomme ke e dirile go bokaonekaone bja tsebo

ya ka, ka tlase ga kopanelo ya Bokriste, mogau wa Modimo, go batho bohole, ka Jesu Kriste. Ke dirile bokaonekaone bjoo ke tsebilego bjang.

<sup>346</sup> Le bile ye nngwe ya ditlelase tše kaonekaone. Ga se go be e ka ba mang a ka bego a kgonne go dula bokaonana e ka ba bofe. Lena bohole le tlie ka mo ka iri ya pele mosegare, go fihla ka iri ya bohlano, go nako le nako ge ba bula kereke le go tliša... dumelela batho go tla ka gare. Le eme ka go tonyeng; le dutše ka go lehlwa; le dirile se sengwe le se sengwe; le eme go dikologa maboto, go fihla maoto a lena a le bohloko. Ke tla bona banna, ba dula fase. Ba dumelela basadi ba dule godimo, gomme ba go fapanba tla ema, le ka mokgwa woo, ba dutše tikologong. Ke naganne, "Morena, ka moka..."

<sup>347</sup> Ye e bile beke ya sephiri. Selo ka moka se bile mohuta wa go tlabu, ka fao, ge batho ba etla, go ba bona ba eme tikologong ya bokantle, mo mafastereng, ka mejako, morago tikologong ya morago, mogohle, ba theeditše. Gomme ge go etla go seboledi, ke kgole le seboledi. Ke—ke na le bohlale bjo bontši bjoo, go tseba gore ga ke sona, gore ga ke seboledi. Eupša gobaneng batho ba dula le go theetša ka mokgwa woo? Gobaneng ba ka e dira? Ga ba tle go kwa motho boka nna. Eupša ba a tla ka gobane go na le Sengwe ka go yona, se gogago batho. Yeo ke nnete. Le a bona? Go na le se Sengwe ka go yona, seo se ba gogago.

<sup>348</sup> Ge mosadi wa ka a eme fa mo sefaleng le go opela, ge ke thoma:

Ba tla go tšwa Bohlabela le Bodikela,  
 Ba tla go tšwa go naga kgole,  
 Go keteka le Kgoši, go ja bjalo ka moeng wa  
 Gagwe;  
 Baeti ba ba šegofetše bjang!  
 Ba bona sefahlego sa Gagwe se kgethegilego  
 Se benya ka Seetša Sekgethwa;  
 Bašegofatšwa batšeakarolo ba mogau wa  
 Gagwe,  
 Ba kganya wa mabje bohlokwa  
 mphaphahlogong wa Gagwe.

<sup>349</sup> A nke ka mehla le bee seo ka monaganong, "Go ba lebjebolokwa ka Mphaphahlogong wa Jesu Kriste." Paulo o rile go Kereke, "Lena le-lena le mabje a bohlokwa, goba, mabjebohlokwa a Mphaphahlogo wa Gagwe." Re nyaka go ba mabjebohlokwa a Mphaphahlogo wa Jesu Kriste.

<sup>350</sup> Ga re nyake, ga se ra ke ra bea monna ka go lona. Le lebala e ka ba eng ka nna. Ke nna ngwanabolena, modiradibe yo a pholosítšwego ka mogau, ga ke swanele go phela. Yeo ke therešo tlwa. Ga ke bolele seo go kokobel; tšeо ke dintlhha. Ga go selo ka go nna, ga go selo se tee sa go kwagala, le gannyane.

<sup>351</sup> Eupša mogau wa Modimo o dumeletše a go šokiša, mahlo a go fifala go lebelela mošola wa garetene ya nako le go bona dilo tsela mošola, gomme ke tla morago.

<sup>352</sup> Ge ke be ke sa le mošemané yo monnyane, ke ratile batho. Ka mehla ke nyakile yo mongwe go nthata le go bolela le nna. Ga go yo a bego a ka e dira, ka baka la leina la lapa. Ga go yo motee a bego a tla bolela le nna.

<sup>353</sup> Eupša ge ke dirile go ineela ga ka go Modimo, gona... Batho ba rena, bokamorago, go beng Irishi, ke naganne, "Mohlomongwe...Bohle ba be ba le Katoliki, gomme mohlomongwe e tla ba Yona." Ke ile *kua*, gomme O be a le tsela tsoko. Gomme ke ile tlase go kereke ya First Baptist, gomme O be a le ka tsela ye nngwe.

Ke rile, "Morena, go swanetše go ba tsela ye nngwe yeo e lego therešo."

Gomme Sengwe se rile, "Ke Lentšu."

Ke swere Lentšu lela. Lebelela pono ye nngwe le ye nngwe, mogohle.

<sup>354</sup> Letšatši le ke beilego letlapa lela la sekhetlo mošola, le go bea seo ka kua, ke ngwadile godimo fao se A ntaeditšego mosong woo ka ponong. "Ema ka go sehla, ka ntle ga sehla; kgalema ka pelofalo yohle le Thuto. Ka gore nakoe tla ge ba ka se kgone go theetša Thuto ye e phedilego; eupša ka morago ga dikganyogo tša bona beng ba tla ikgobokeletše bonabeng mmogo, bjalo ka barutiši, ba na le ditsebe tša go hlohlona; gomme ba retologa go tloga go Therešo, go ya go dinonwane." Gomme ke bone mehlare ye mebedi yeo, ye ke emego kgauswi le yona, e dira sona selo sa go swana. Yeo ke nnete. Gomme ke rena bao. Gomme yeo ke therešo. Gomme, bjale, o ka se . . .

<sup>355</sup> Elelwang. A nke ke le hlohleletše gape. Le se re, "Ke a leboga," go e ka ba mang, le gatee. Le se ke la re, nagana gore, modiredi yo mongwe goba selo se sengwe, monna tsoko yo a hwago; go na le e ka ba eng ye e lokilego ka yena. Gobane, ga se gona. Ga ke kgathale ke mang. Ga go selo sa go loka go manna e ka ba mang. Yeo ke nnete.

<sup>356</sup> Ge go na le sehlopha ka moka sa diphalafala se robetše mo, gomme ye tee ya tšona e swanetše go galagatša mmino wo o itšego, ke monna . . . Tšona diphalafala ke dimuma ka go phethagala. Ke moisa yo a ka kgonago go galagatša phalafala, yo a tsebago se a yago go se dira, yo a topago phalafala. Phalafala ga e na le selo go dira le yona. Segalo se tšwa go bohlale ka morago ga yona. Yeo ke nnete. Kafao, diphalafala tšohle di a swana.

<sup>357</sup> Batho bohle ba a swana. Bakriste bohle ba a swana. Ga go na banna ba bagolo magareng ga rena. Ga se rena banna ba bagolo, e sego basadi ba bagolo. Rena bohle re banešu le dikgaetsedi, gohle go swana, ka go legorong la go swana. Ga se rena "ba

bagolo." Yo motee ga a dire yo motee yo mogolwane go feta yo mongwe, e sego selo le gatee, go dira. Aowa, mohlomphegi. Eupša re no ba batho bohle.

<sup>358</sup> Le se leke go hlatholla dilo. Le se ke la leka go dira eng kapa eng go feta go no phela bophelo bja kgauswi, go fa tumišo le tlhompho go Jesu Kriste. Yo mongwe le yo mongwe o kwešiša seo bjale? [Phuthego e re, "Amene."—Mor.] Gomme ka gona More rate ka pelo ya gago yohle. A le a e dira?

Ke a Mo rata, (Gomme ke tla dira!) ke a Mo rata  
Gobane O nthatile pele  
Gomme a lefela phološo ya ka  
Godimo ga mohlare wa Khalibari.

<sup>359</sup> Tumišang Modimo! A yo mongwe le yo mongwe o kwešiša ka go tsenelela? [Phuthego e re, "Amene."—Mor.] A yo mongwe le yo mongwe o a dumela? ["Amene."] Le elelwa ge la mathomo ke thoma, "Ke mang a dumetšego pego ya rena? Letsogo la Morena le utolletšwe mang?" A O utollotše go wena, kgaogelo ya Gagwe, bobotse bja Gagwe? Amene. E nong go elelwa, Mo rateng ka pelo ya lena yohle.

<sup>360</sup> Ke ya morago gae bjale. Ke tla ba morago fa gape, Morena ge a rata, go dikologa la pele la June.

<sup>361</sup> Mohlomongwe, ge Morena a e bea godimo ga pelo ya ka, mohlomongwe nako ye nngwe pele selemo se, boka June goba felotsoko, mohlomongwe ka pela lehlabula, ge Morena a diega, ke tla rata go bowa morago le go bea mašego a mangwe a šupago, bakeng sa Diphalafala tše Supago tsa mafelelo. A le ka rata seo? A le tla e rata? [Phuthego e re, "Amene."—Mor.] A le tla nthapelela, gore Modimo o tla nthuša? ["Amene."] Go lokile.

<sup>362</sup> Go fihla ke kopana le lena gape, elelwang pina ye botse ye ya kgale:

Ke a Mo rata, ke a Mo rata  
Gobane O nthatile pele  
Gomme a lefela phološo ya ka  
Godimo ga mohlare wa Khalibari.

<sup>363</sup> Bjale ke nyaka le inamiše hlogo ya lena. Ke nyaka go le rapelela. Pele modiša a phatlalatša, ke nyaka go le rapelela.

<sup>364</sup> Tate wa rena wa Legodimong, a nke batho, Morena, ba kwešiše. Bao, ke na le nnete gore go na le ba bangwe ba sa dirego. Eupša, Tate, a nke ba—ba tsebe maikemišetšo. Gomme a nke ba kwešiše, Tate, gore—gore ke mogau wa Gago go bona gore dilo tše de utołotšwe. Gomme ke nyaka go leboga Wena, Morena, ka tsebo ya go tseba dilo tše tseo O di utołotšego go rena.

<sup>365</sup> Gomme ke rapelela yo mongwe le yo mongwe yoo a lego fa, yo mongwe le yo mongwe yoo a tsenelago dikopano. Ge go ka ba ba bangwe ba sa dumelelo, a nke, Morena, ba be badumedi.

<sup>366</sup> Ke rapelela bohole ba ba tla kwago Melaetša ka theipi. Gomme ge O wela, mo O tla welago, ga go pelalaelo, ka malapeng le mafelo a basedumele ba bantši ba ba tla fapanago; eupša, Tate, ke rapelela yo mongwe le yo mongwe, gore pele ba bolela lentšu le lengwe le le itšego la go rogana, gore la mathomo ba dule fase le go puruputša Mangwalo ka se se boletšwego, gomme ka gona ba re go Wena gore ka therešo ba hlokoketše gomme ba nyaka go tseba ge eba ye ke Therešo, goba aowa. Gomme ke a ba rapelela, Tate.

<sup>367</sup> Gomme ke rapelela ba bao ba emego go bapa le maboto a, ba ba emego ka ntle, ba ba dutšego dikoloing tša bona, bakeng sa bana ba bannyane, le bakeng sa bohole bao ba bilego ka gare. Gomme feels bohole ba bona, Morena, ke a ba rapelela.

<sup>368</sup> Gomme ke a rapela gore dithapelo tša ka di tla arabja, gore O tla ba šegofatša. Sa pele, Morena, efa yo mongwe le yo mongwe Bophelo bjo Bosafelego. Ke a rapela gore go se be le o tee wa bona a lahlegago, e sego o tee.

<sup>369</sup> Gomme bjale, Tate, ga re tsebe tiragalo ye kgolo ye e tla ba neng. Eupša ge re bona maswao a a tšwelela, le ditiragalo tša Lengwalo, e huthumatša pelo ya rena ka godimo ga kelo. Gomme ke a rapela, Tate Modimo, gore O tla re thuša.

<sup>370</sup> Ke a rapela gore O tla thuša modiša wa rena morategi, Ngwanešu Neville. Mo dire, Morena, a tlale ka mogau le go tlala maatla, le ka kwešišo, gore a tšee Dijo tše tša go bolokwa le go fepa dikwana tša Modimo.

<sup>371</sup> Morena, ke a rapela gore O tla rakela bolwetši kgole go tloga go rena. A nke go tle go phethega, gore ge batho ba babja, gore ba tla elelwa Madi a bjale le go lekanela gohle a Morena Jesu a letše godimo ga aletara, go dira poelano. Gomme ke a rapela gore ba tla fodišwa ka pela.

<sup>372</sup> Gomme ke a rapela gore O tla thibela maatla a Sathane go tloga go bona, go ba nyefiša, goba go leka go ba dira ba dire ditumelothoko. Goba, e no thibela maatla ohle a lenaba a le kgole, Morena. Re hlwekiše go Lentšu la Gago. E fe, Morena.

<sup>373</sup> Gona, Morena, ke a rapela gore O tla nthuša. Ke—ke—ke thoma go timelela, Morena. Ke a tseba matšatši a ka a ka se kgone go ba a mantši kudu. Gomme ke a rapela gore O tla nthuša, go ntira ke be therešo, Morena, le go botega le tlhokofalo, gore ke kgone go rwalela Molaetša bokgole bjo o beetšwego nna go rwalela. Gomme ge go etla go nako yeo ke swanetšego go e bea fase, gomme ke theogela tlase go Noka, gomme maphotho a thoma go tsena ka gare, O Modimo, a nke ke kgone go neela Tšhoša ye ya kgale godimo go yo mongwe gape yoo a tla botegago le Yona, Morena, gomme ba tla rwala Therešo. E fe, Morena. Gomme, go fihla nako yeo, nthuše gore ke be yo maatla le wa go phelega, le tlhohleletšo.

<sup>374</sup> Thuša kereke ya ka. Re šegofatše mmogo, Morena. Ke rena ba Gago. Re ikwela bjale gore Moya wa Gago o magareng ga rena. Re a dumela gore O tla araba dithapelo tša rena. Ka gore, re neela borena go Wena, le Lentšu la Gago, bakeng sa tirelo matšatši a rena ka moka godimo ga lefase le, ka Leina la Morwa wa Modimo, Jesu Kriste, Mophološi morategi wa rena, bakeng sa letago la Gagwe. Amene.

Ke . . . (Modimo a le šegofatše!) . . . Ke a Mo rata  
 (ka pelo ya ka yohle),  
 Gobane O nthatile pele.

<sup>375</sup> Modimo a go šegofatše, Ngwanešu Neville . . . ? . . . Dula lefelong la mošomo . . . ? . . .

### LEHUTO LA BOŠUPA LE TŠWELAPELE

<sup>376</sup> [O sa tšwa go fetša go kwa *Lehuto la Bošupa* la setlogo bjalo ka ge le rerilwe ka go felela ga lona ka Lamorena mantšiboa, Matšhe la 24, 1963 ka Tabarenekeleng ya Branham ka Jeffersonville, Indiana. Ngwanešu Branham o be a sa nyake kgatišo ye ya setlogo e lokollwa. Letšatši la go latela, Mošupologo, Matšhe la 25, 1963, Ngwanešu Branham o ile go kamora ya mothele ya Ngwanešu Fred Sothmann le Ngwanešu James Maguire, bao ka nako yeo ba bego ba laola go dirwa ga ditheipi. Ngwanešu Branham o boditše banešu ba, “Ga ke nyake molaetša wo o romelwa ntle ka tsela ye o lego.” Ka morago ga go theetša theipi yenamong, o laetše banešu go emiša theipi ka ntlha ye e itšego, gomme ka ntlheng yeo (go thoma temana ya tema 261) o gatišitše karolo ye mpsha ya go batamela metsotso ye masomepedi ka botelele (temana 377-415). Karolo ye mpsha ye nako yeo e be e šomišwa ka go lefelo la bofelo bja setlogo (temana ya 261-375). Kgatišo ye e be e le lehlakore le nnoši le lokolotšwego la *Lehuto la Bošupa* go fihla 1966. Ka morago ga ge Ngwanešu Branham a tlogetše lefelotiragalo, poto ya William Branham Evangelistic Association ka tumelelano go lokolla theipi ye setlogong e gatišitšwego ka tabarenekeleng. Ge e sa le go tloga nako yeo, bobedi mahlakore a gona. Bjale re beile molaetša wo wa go oketša wa Ngwanešu Branham godimo ga theipi e tee, ka la setlogo *Lehuto la Bošupa*. Lentšu la go latela le kwago e tla ba Ngwanešu Branham ka kamoreng ya mothele ka Mošupologo, Matšhe la 25, 1963—Mor.]

<sup>377</sup> E tla ba selo se sebotse gore ga a tsebe eng kapa eng ka Lona. Ka gore, ge a dirile, gona o tla ekiša Leo. Ao ke manka a gagwe go dira dilo.

<sup>378</sup> Kafao, kagona, Modimo o Le dirile go utama kudu go lefase ka moka, ebile le go Legodimo, gore ga go tsela ya go Le kwešiša, feela bjalo ka ge Modimo a tla Le utolla, Yenamong.

<sup>379</sup> Bjale ke nyaka le hlokomele, bošegong bjo, gore ka go Lehuto la Boselela, go be go le mo—mo morero momenwagararo wa Lehuto la Boselela.

Go be go le morero momenwagararo wa banamedi ba pere.

<sup>380</sup> Go bile le morero momenwagararo ka go dilo tše tšohle. Woo o re tliša morago go tharo. Gomme a šupa, gape, le a bona, Mahuto a Šupago, Meruswi ye Šupago, le go ya pele. Bjale, ka go ditharo le dišupa, ke nomoro ya Modimo ka go dipalontshetshere tša Gagwe tša go utolla Lentšu la Gagwe.

<sup>381</sup> Bjale le a hlokomela, go swana le ka go—go—go banamedi, bjale, go be go le dipere tše tharo di ilego ntle. Ye tee ya tšona e be e le pere ye tšhweu, ye tee ebe e le ye khubedu, ye tee ebe e le ntsho. Gomme ka gona, ka go pere ya bone, gobaneng, tšona tšohle di be di hlakahlakane mmogo. Le a bona, morero momenwagararo.

<sup>382</sup> Bjale, Modimo o dirile selo sa go swana. Modimo o dirile selo sa go swana ge A rometše tau ya Gagwe ntle, e bego e le Lentšu la Gagwe, go lwantšha molwalekriste.

<sup>383</sup> Ka gona re hwetša gore O rometše ntle pholo lebakeng la nako ya se—se sekgao sa tlaišego, phoofolo ya sehlabelo. Gomme ka go sekgao se sa tlaišego, ke sohle batho ba kgonnego go se dira, e be a no ba mošomo, lekgoba, gomme ba neela ka bobona go ba sehlabelo.

<sup>384</sup> Ka gona re hwetša, ka go lebaka le le latelago, e bego e le lebaka la bampshafatši, Modimo o rometše ntle bohlale bja motho, hlogo ya go swana le motho godimo ga Sebata, e bego e le maatla ao a ilego pele ka go bampshafatši.

<sup>385</sup> Bjale a le hlokometše? Ye nngwe le ye nngwe... Ga go makatše gore batho ba matšatši a ba sa phela ka go papalase, boka e bile go tloga go lebaka la bampshafatši, ka gobane ba no e bona ka tse—tse tsela ya bokereke ya go e lebelela. Ba e bona ka tsela yeo diseminari di e rutilego. Yeo e be e le tsela ya Modimo nakong ye nngwe, eupša re phetše go feta yeo.

<sup>386</sup> Bjale re ka go lebaka la ntšhu, kutollo go utollwa, selo ka moka. Bjale bapetšang se le Kutollo tema ya 10, temana ya 1 go fihla go 7. Gomme re tla bona fa ka go Kutollo ye, Kutollo fa, 10:1 go fihla go 7, gore, “Ka matšatšing a go letšwa ga Molaetša wa morongwa wa bošupa, e be e le go fetša diphiri tšohle tša Modimo.”

<sup>387</sup> Bjale re a hwetša, gape, ka go ye, gore Lehuto la Boselela, bjale le butšwe, e be e le bakeng sa morero momenwagararo. Bjale, mo go be go le merero.

<sup>388</sup> Selo sa pele, e bile, gore kgarebe ya go robala e ile ya swanela go kgabola sekgao sa Tlaišego bakeng sa tlhwekišo. O ile a swanelwa ke go hlwekišwa ka dibe tša gagwe tša go se dumele le go gana Molaetša. Ye, o dirilwe ka go sekgao sa Tlaišego. Re

a bona ba tatologela godimo ka go Kutollo 7, gare ga tema ya 6 le ya 7 mo, gore o be a hlwekišitšwe, gomme o be a filwe diaparo tša gagwe. Bjale, ga se yena Monyalwa. Eupša ke kereke, batho ba go seka bao—bao—bao ba bego ba se ne sebakabotse, mohlomongwe, go amogela Molaetša, goba ka tsela ye nngwe gore ba foufaditšwe ke baprofeta ba maaka. Gomme ga—ga se ba hwetša sebaka, gomme efela ka kgonthe ba hlokoketše ka pelong. Gomme Modimo o tseba pelo ya bona. Gomme šeba ba a hlwekišwa, mo nakong ye.

<sup>389</sup> Le a e hlokoma, nako ye nngwe ya go hlwekiša, yeo ke bakeng sa Israele, ge a kgobokana. Leo ke lemeno la bobedi. Modimo o hlwekiša Israele mo sekgaong sa Tlaišego. Go tšwa go dimilione tše di tla kgobokanago fale, go tla ba le bahlaolwa dikete tše lekgolo le masomenne nne, gomme ba tla hlwekišwa, le bona. Modimo o hlwekiša Israele.

<sup>390</sup> Hlokamelang, fao go lefase ka moka le swanetše go hlwekišwa. Fao go tla ba selo se sebjalo sa ngwedi, dinaledi, le tlhago yohle, di tla hlwekišwa. A le bona se e lego sona? Lefase le impshafatša ka bolona, le hlwekišwa, go lokela Mileniamo. Mileniamo o tlago godimo. Gomme, le a bona, se sengwe le se sengwe seo se nago tšhila ye e itšego ka go sona se swanetše go hlwekišwa lebakeng la Lehuto la Boselela.

<sup>391</sup> Bjale, bjale, a le a hlokoma? Mo go bulweng ga Lehuto le la Bošupa, gape ke ka go sephiri sa go menwagararo. Le, ke... tla bolela gomme ke boletše, gore ke sephiri sa Medumo ye e Šupago. Medumo ye Šupago ka Legodimong e tla tatolla sephiri se. E tla ba thwi mo go Tleng ga Kriste, gobane Kriste o rile ga a gona a tsebilego gore O tla bowa neng.

<sup>392</sup> A le hlokometše, ge Bajuda ba Mmotšišitše seo? Tseba... Ge re bapetša Lengwalo fa le Mateo 24, le Mahuto a tshela, Lehuto la Bošupa le tlogetšwe ntle. Ka gore, le a bona, Kriste o rile, "Modimo a nnoši Yenamong o tsebile; ebile e sego Barongwa." Ga go makatše, ebile Le be le se la ngwalwa. Le a bona, ba homotše; ga go selo se diregago nako yeo. Barongwa ga ba Le tsebe. Ga go yo a tsebago O ya go tla neng.

<sup>393</sup> Eupša go tla ba—go tla ba di—di Digalontšu tše Šupago, tša Medumo ye, yeo e tla utollago kutollo ye kgolo mo nakong yela. Kafao, ke a dumela, go rena ba... Ge re sa Le tsebe, gomme ge re... Le ka se tsebje go fihla nako yeo. Eupša le tla utollwa ka letšatšing leo, ka iring ye le swanetše go utollwa ka go yona. Kafao, selo go rena go se dira ke go ba tlhomphokgolo pele ga Modimo, le go Mo hlankela, le go dira tšohle re tsebago mokgwa wa go di dira, le go phela gabotse, maphele a Bokriste. Mo, bjale, re hwetša gore Lehuto la Boselela le bulegile go rena; re a Le bona. Gomme re a tseba gore Lehuto le la Bošupa le ka se kgone go kgaolelwa setšhaba go fihla iri yeo e fihla.

<sup>394</sup> Bjale, go bile lebaka le lengwe gore Modimo o dumeletše Digalontšu tše di Šupago di dume. Ka baka la gore, Le swanetše go tla, le a bona. Ka gore... Re hwetša gore Kriste, Kwana, o tšere pu—pu Puku ka seatleng sa Gagwe, gomme A bula Lehuto lela la Bošupa. Eupša, le a bona, ke sephiri se se utilwego. Ga go yo motee a Le tsebago. Eupša, Le—Le, thwi mmogo le se A se boletšego, “Ga go yo motee a ka tsebago go Tla ga Gagwe.” Le bona ba ka se tsebe ka sephiri se sa Medumo ye e Šupago. Kafao, le a bona, e kgokagane mmogo.

<sup>395</sup> Bontši bjoo, re na le kwešišo ya Lona, lehono, ka gobane ka moka ga Lona le tatologile; eupša se ga se sa tatologa. Eupša ke dutše ka kamoreng ya ka, gomme ke kwele ye... goba, e sego go e kwa, a ke re, eupša ke Le bone le tatologa go Medumo ye e Supago ye. Bjale, bjoo ke bokgole bjo re ka yago, thwi fale.

<sup>396</sup> Gomme bjale ke a tshepa gore yo mongwe le yo mongwe wa lena o tla hlankela Modimo le go dira seo se lokilego. Gomme ratang Yena, bophelo bjohle bja lena, le go Mo direla. Gomme Modimo o tla hlokomela ka moka.

<sup>397</sup> Bjale, re na le, ka go mafetšo mo bjale, ka mogau wa Modimo, diphiri tšohle tša Mahuto a tshela tše di tswaletšwe, gomme re a kwešiša le go tseba mo gore Lehuto la Bošupa ga le tsebje go setšhaba.

<sup>398</sup> Bjale, go Tla ga Gagwe, ka iri ya go Tla ga Gagwe, ge tshenyo ya lefase, le a tseba. O boletše kua, “Leswao la go tla ga bofelo bja lefase e tla ba eng?” Ka go Mateo 24, fao moo ba Mmotšišitšego potšišo yeo. O ile tlase go yeo. O boletše ka ga Israele e kgobokane bjalo ka setšhaba, ka go temana ya 31, ya Mateo 24:31. Eupša nako yeo O thomile go tloga ka diswantšho, le a bona. Morago le bona... “Ithuteng seswantšho sa mohlare wa mogo. Ge le o bona o khukhuša, gabaneng, le a tseba seruthwana se kgauswi. Gomme ka gona ge le bona se se etla go phethega, gona tsebang nako e kgauswi.” Le a bona, Israele e kgobokane ka nagalegaeng ya yona mong. Eupša, le a hlokomela, O tlogetše kutollo ya Lehuto le la Bošupa.

<sup>399</sup> Gomme mo, ge Lehuto la Bošupa, ge A Le butše, gape O Le tlogetše gape, le a bona. Kafao re a bona gore Ke sephiri sa go felela, kagona iri ga e šo ya ba bakeng sa sephiri go tsebja. Kagona, re bokgole bjo, gomme ka moka ga Lona go tla tsebja thwi go dikologa e ka ba nako gore Jesu o tšwelela lefaseng gape, bakeng sa Monyalwa wa Gagwe, goba eng kapa eng e diregago ka nako yeo. Bjale, go fihla nako yeo, a re nong go rapela bohle, re pheleng bjo bobotse, bja go otloga, bophelo bja Bokriste, re lebeletše pele go Tla ga Gagwe.

<sup>400</sup> Gomme bjale ge theipi ye e ka direga go wela ka seatleng sa batho ba bangwe felotsoko, le se leke go dira mohuta e ka ba ofe wa ism go tšwa go yona. Selo se nnoši le se dirago, le no tšwelapele le direla Modimo. Gobane, sephiri se segolo se ke se

segolo kudu gore Modimo ebile ga se a dumelela Johane go Le ngwala. E dumile ntle, eupša O... a tseba seo, go re tshepiša gore Le tla bulwa. Eupša, go nako ye, ga se La bulega.

<sup>401</sup> Gomme bjale re thabela Modimo ka se A re bontšhitšego. Ke be ke dutše ka kamoreng godimo kua matšatši a seswai. Gomme Molaetša wo ke sa tšogo o fetša go o hlaloša go lena, bontši bja lena mo le tla kwešiša. Gomme ke tshepišitše gore go be go le se sengwe se kgatlampana, sa semoya, nako yohle, seo ke bego ke ne kgonthe le be le se foša. Gomme sese se e lego sona; ke bohlatse bja go felela bja tlhathollo ye ya Mangwalo ye e rometšwego ke Modimo.

<sup>402</sup> Gobane, pele ebile re eya ka go Lona, gomme ke tlogetše go ya bodikela, Morena o mpontšhitše pono letšatši le lengwe, e ka ba iri ya lesome, mosong wo mongwe. Gomme ke tlie le go e hlalosa fa, gore ke be ke e bone; ga se ke tsebe seo e bilego. E be e le sehlopha sa Barongwa ba šupago. Re tla elelwa seo. Le tla e hwetša go theipi, ye e bitšwago, *Ke Nako Mang, Mohlomphegi?* Gabotse, bjale, seo ke tlwa se o se bonago bjale. Barongwa ba šupago... Ke be ke le ka bodikela.

<sup>403</sup> Le a elelwa, batseta ba bannyane ba nthatana; ba ile bohlabeleda. Batseta ba bobedi, maeba, nonyana ye nnyane nthatana ye kgolwane, a ile bohlabeleda. Gomme ka gona ke lebeletše... Ba be ba na le nna, nako yohle. Yeo e bile Kgogedi yela ya Pele le ya Bobedi.

<sup>404</sup> Bjale, ya Boraro e tlie go tšwa bodikela, e swiela pele ka le legolo, lebelo la go šiiša, gomme Ba nkukela godimo. Seo se be se etla morago bohlabeleda, ka sephiri sa Mahuto a Šupago a. Go no swana le ge e boletše ka—ka torong ya Junior Jackson, yeo Morena a ntirilego ke mo hlathollele kua, “Ka gare ga phiramiti yela, go be go le Letlapa le lešweu leo le bego le se la ngwalwa godimo ga lona.” Ke ka baka leo ke ilego ka swanelo go ya bodikela, go kgomagana le Molaetša wo wa Barongwa, go tla morago mo go O utolla go kerekeng. Elelwang, ke rile, “Dilo tša go latela tše di diregago di tla ba fa ka kerekeng.” Seo e no ba tlwa.

<sup>405</sup> Selo se sengwe, ke nyaka le hlokomele se se diregilego. Gomme ge o theeditše theipi, ya *Ke Nako Mang, Mohlomphegi?*, le tla lemoga gore Morongwa yo motee o be a itlhhotše kudu go nna. Ka moka ga Bona ba be ba no bonala setlwaedi. Eupša Morongwa yo e be e le Morongwa wa go tsebega. O be a le wa la nngele la ka, ka kgobokanong ka sebopego sa phiramiti.

<sup>406</sup> Gomme, elelwang, e be e le ka go phiramiti, moo Leswika la sephiri le lešweu le bego le se la ngwalwa godimo ga lona. Gomme Barongwa ba ntšeetše ka go phiramiti yela ya Bonabeng, diphiri tša Modimo di tsebja feela go Bona. Gomme, bjale, Bona e be e le Batseta ba tlie go hlatholla phiramiti yela, goba Molaetša wola wa sephiri sa Mahuto a Šupago seo se letšego ka gare ga phiramiti.

<sup>407</sup> Bjale, Morongwa, o be a le go la nngele la ka, ka kgonthe o tla ba wa mafelelo, goba Morongwa wa bošupa, ge re ka Ba bala go tloga go la nngele go ya go la go ja. Ka gore, O be a le go la nngele la ka; nna ke lebeletše go Yena, go leba bodikela, Yena a etla go leba bohlabela, o tla ba ka lehlakoreng la nngele. Kafao, woo e tla ba Molaetša wa morongwa wa mafelelo, wa go elegahloko kudu. Le elelwa ka fao ke boletšego gore O be a na le ya Gagwe, o be a ne hlogo ya Gagwe morago; gomme tša Gagwe tše kgolo, diphego tše bogale; le ka fao A fofetšego thwi go nna. Bjale, leo ke Lehuto le la Bošupa. E sa no ba selo sa go itlhaola. Gomme re . . . Ga re tsebe se Le lego, gabjale, gobane ga se Le dumelawa go kgaolwa.

<sup>408</sup> Eupša bjale, yo mongwe le yo mongwe wa lena ka kopanong o hlokometše seo, a kopano e bilego! Yo mongwe le yo mongwe o nno bonala go ba ka . . . thwi mo bofelong bja setulo sa bona. Gomme yo mongwe le yo mongwe a eme tikologong fa, ka ya pele, iri ya bobedi morago ga sekglela, ba letile mamati go bulega, le go tla godimo fa ka pele. Ba eme go dikologa maboto; maoto a kerempa, le se sengwe le se sengwe.

<sup>409</sup> Ke eng? E bile Moya wo Mokgethwa o romela fase Batseta ba, gomme Ba be ba Le utolla go rena. Gomme ka gona hlokamelang ka fao Le nyalelanago le Lentšu, tlwa.

<sup>410</sup> Gomme ka gona go le dira bohle le tsebe gore ye ke Thereso, O e akanyeditšepele e ka ba—e ka ba dikgwedi tše pedi bjale, goba bontši, pele e ka be ya direga. Gore, ge ke ile bodikela, ke sa Le tsebe; go tla morago mo ka tlhathollo bjalo ka ge A Le file. Bjale elelwang, ka ponong, ga se nke A mpotša selo se tee ka pono ge A ntšeetše godimo. Ke be ke tšhogile, ke boifa gore ke be ke eya go hwa, go bolawa ka mothuthupong. Le a bona, Ga se ba kgona go e dira.

<sup>411</sup> Tlhathollo e tlie feela bjalo ka ge ke bile le tlhoko ya Lona, yeo e bego e le ka kamoreng, gomme ke Le file ntle feela bjalo ka ge A Le fa.

<sup>412</sup> Bjale, le a bona, bagwera, dipono ga di šitwe. Ka mehla di phethagetše. E no ba therešo tlwa.

<sup>413</sup> Bjale, pono, le Lentšu, le histori, le mabaka a kereke, le tšohle, di kopane mmogo. Kafao, ka therešo nka kgona go bolela, gore, go bokaonekaone bja kweššo ya ka, le go ya ka Lentšu la Modimo, le pono, le kutollo, tlhathollo ya yona ke O RIALO MORENA.

<sup>414</sup> Bjale, a nke Morena a le šegofatšeng bohle, yo mongwe le yo mongwe, go huma ka kgonthe, ge re ema bjale le go opela pina ye botse ya kgale ya kereke. Modimo a le šegofatše, yo mongwe le yo mongwe. Amene.

<sup>415</sup> [Ngwanešu Branham o oketša ye e latelago methaladi ye mene, e tšerwego go tšwa go temana ya 374-375 ya Molaetša wa gagwe mantšiboeng a go feta, Matšhe 24, 1963—Mor.]

Ke... (Modimo a le šegofatše!)... Ke a Mo  
rata, (ka pelo ya ka yohle),  
Gobane O nthatile pele.

Modimo a go šegofatše, Ngwanešu Neville...?... Dula  
lefelong la mošomo...?... 

*LEHUTO LA BOŠUPA* NST63-0324E  
(The Seventh Seal)  
SERISI KA KUTOLLO YA MAHUTO A ŠUPA

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mantšiboa, Matšhe 24, 1963, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)